


वीरगन्धर्व

बापना काण्ड



ब्रह्मसूत्रम्

জীবনানন্দ দাশ



সিগনেট প্রেস । কলকাতা ২০

উৎসর্গ

—আবহমান বাংলা, বাঙালী

স্মরণকাল মার্চ ১৯০২

প্রথম সংস্করণ

অগাস্ট ১৯৫৭

প্রকাশক

দিলীপকুমার গদগু

সিগনেট প্রেস

১০।২ এলগিন রোড

কলকাতা ২০

প্রচ্ছদপট

সত্যজিৎ রায়

সহায়তা করেছেন

পশ্চিম মিত্র

মদ্রক

শৈলেন্দ্রনাথ গুহরায়

শ্রীসরস্বতী প্রেস লিমিটেড

৩২ আপার সারকুলার রোড

ব্রক - রূপমদ্রা লিমিটেড

৪ নিউ বহুবাজার লেন

বাঁধিয়েছেন

বাসন্তী বাইন্ডিং ওয়ার্কস

৬১।১ মিজাপুর স্ট্রীট

সর্বস্ব স্বংরক্ষিত

দাম তিন টাকা

ভূমিকা

এই কাব্যগ্রন্থে যে-কবিভাগদ্বলি সঙ্কলিত হল, তার সবদ্বলিই কবির জীবিত-কালে অপ্রকাশিত ছিল; তাঁর মৃত্যুর পরে কোনো-কোনো কবিতা বিভিন্ন পত্র-পত্রিকায় প্রকাশিত হয়েছে।

কবিভাগদ্বলি প্রথম বারে যেমন লেখা হয়েছিল, ঠিক তেমনই পাণ্ডুলিপি-বদ্ধ অবস্থায় রক্ষিত ছিল; সম্পূর্ণ অপরিমার্জিত। পঁচিশ বছর আগে খুব পাশাপাশি সময়ের মধ্যে একটি বিশেষ ভাবে আক্রান্ত হয়ে কবিভাগদ্বলি রচিত হয়েছিল। এ-সব কবিতা 'ধূসর পাণ্ডুলিপি'-পর্যায়ের শেষের দিকের ফসল।

কবির কাছে 'এরা প্রত্যেকে আলাদা-আলাদা স্বতন্ত্র সস্তার মতো নয় কেউ, অপবপক্ষে সার্বিক বোধে একশরীরী; গ্রামবাংলার আলদ্বলীয়িত প্রতিবেশপ্রসূতির মতো ব্যাঙটগত হয়েও পরিপূরকের মতো পরস্পর-নির্ভর।..'

সেই দিন এই মাঠ শুষ্ক হবে নাকো জানি —
এই নদী নক্ষত্রের তলে
সেদিনো দেখিবে স্বপ্ন —
সোনার স্বপ্নের সাধ পৃথিবীতে কবে আর ঝরে!
আমি চ'লে যাব ব'লে
চালতামূল কি আর ভিজিবে না শিশিরের জলে
নরম গন্ধের ঢেউয়ে?
লক্ষ্মীপেঁচা গান গাবে নাকি তার লক্ষ্মীটির তরে?
সোনার স্বপ্নের সাধ পৃথিবীতে কবে আর ঝরে!

চারিদিকে শান্ত বাত — ভিজে গন্ধ — মৃদু কলরব;
থেয়ানোকোগুলো এসে লেগেছে চরের খুব কাছে;
পৃথিবীর এই সব গল্প বেঁচে র'বে চিরকাল;—
এশিরিয়া ধুলো আজ — বেবিলন ছাই হয়ে আছে।

তোমরা যেখানে সাথ চ'লে যাও — আমি এই বাংলার পারে
র'য়ে যাব; দেখিব কাঁঠালপাতা ঝরিতেছে ভোরের বাতাসে;
দেখিব খয়েরী ডানা শালিখের সন্ধ্যায় হিম হয়ে আসে
খবল রোমের নিচে তাহার হলদুদ ঠ্যাং ঘাসে অন্ধকারে
নেচে চলে — একবার — দুইবার — তারপর হঠাৎ তাহারে
বনের হিজল গাছ ডাক দিয়ে নিয়ে যায় হৃদয়ের পাশে;
দেখিব মেয়েলি হাত সক্রুণ — শাদা শাঁখা ধূসর বাতাসে
শঙ্খের মতো কাঁদে: সন্ধ্যায় দাঁড়াল সে পুকুরের ধারে,

খইরঙা হাঁসটিরে নিয়ে যাবে যেন কোন কাহিনীর দেশে —
'পরণ-কথা'র গন্ধ লেগে আছে যেন তার নরম শরীরে,
কল্মীদামের থেকে জন্মেছে সে যেন এই পুকুরের নীড়ে —
নীরবে পা ধোয় জলে একবার — তারপর দূরে নিরুদ্দেশে
চ'লে যায় কুয়াশায়, — তবু জানি কোনোদিন পৃথিবীর ভিড়ে
হারাব না তারে আমি — সে যে আছে আমার এ বাংলার তীরে ।

বাংলার মৃৎ আমি দেখিয়াছি, তাই আমি পৃথিবীর রূপ
খৃষ্টিজিতে যাই না আর : অন্ধকারে জেগে উঠে ডুমুরের গাছে
চেয়ে দেখি ছাতার মতন বড় পাতাটির নিচে বসে আছে
ভোরের দয়েলপাখি — চারিদিকে চেয়ে দেখি পল্লবের শুভ্র
জাম — বট — কাঁঠালের — হিজলের — অশথের ক'রে আছে চূপ ;
ফণীমনসার ঝোপে শটিবনে তাহাদের ছায়া পড়িয়াছে ;
মধুকর ডিঙা থেকে না জানি সে কবে চাঁদ চম্পার কাছে
এমনই হিজল — বট — তমালের নীল ছায়া বাংলার অপরূপ রূপ

দেখেছিল ; বেহুলাও একদিন গাঙুড়ের জলে ভেলা নিয়ে —
কৃষ্ণ ষাদশীর জ্যেৎহ্না যখন মরিয়া গেছে নদীর চড়ায় —
সোনালি ধানের পাশে অসংখ্য অশ্বথ বট দেখেছিল, হায়,
শ্যামার নরম গান শুনেনিছিল, — একদিন অমরায় গিয়ে
ছিন্ন খঞ্জনার মতো যখন সে নেচেছিল ইন্দ্রের সভায়
বাংলার নদী মাঠ ভাঁটফুল ঘুঙুরের মতো তার কেঁদেছিল পায় ।

যতদিন বেঁচে আছি আকাশ চলিয়া গেছে কোথায় আকাশে
অপরাজিতার মতো নীল হয়ে — আরো নীল — আরো নীল হয়ে
আমি যে দেখিতে চাই; — সে আকাশ পাখনায় নিঙড়িয়ে লয়ে
কোথায় ভোরের বক মাছরাঙা উড়ে যায় আশ্বিনের মাসে,
আমি যে দেখিতে চাই; — আমি যে বসিতে চাই বাংলার ঘাসে;
পৃথিবীর পথে ঘুরে বহু দিন অনেক বেদনা প্রাণে স'য়ে
ধানসিঁড়িটির সাথে বাংলার শ্মশানের দিকে যাব ব'য়ে,
যেইখানে এলোচুলে রামপ্রসাদের সেই শ্যামা আজো আসে,
যেইখানে কস্কাপেড়ে শাড়ি প'রে কোনো এক সুন্দরীর শব
চন্দন চিতায় চড়ে — আমের শাখায় শুক ভুলে যায় কথা;
যেইখানে সব চেয়ে বেশি রূপ — সব চেয়ে গাঢ় বিষণ্ণতা;
যেখানে শুকায় পশ্ম — বহু দিন বিশালাক্ষী যেখানে নীরব;
যেইখানে একদিন শঙ্খমালা চন্দ্রমালা মানিকমালার
কাঁকন বাজিত, আহা, কোনোদিন বাজিবে কি আর!

একদিন জলসিঁড়ি নদীটির পারে এই বাংলার মাঠে
বিশীর্ণ বটের নিচে শূন্যে র'ব; — পশমের মতো লাল ফল
ঝরিবে বিজন ঘাসে, — বাঁকা চাঁদ জেগে র'বে, — নদীটির জল
বাঙালী মেয়ের মতো বিশালাক্ষী মন্দিরের ধূসর কপাটে
আঘাত করিলা যাবে ভয়ে ভয়ে — তারপর যেই ভাঙা ঘাটে
রূপসীরা আজ আর আসে নাকো, পাট শূন্য পচে অবিরল,
সেইখানে কলমীর দামে বেধে প্রতিনীর মতন কেবল
কাঁদবে সে সারা রাত, — দেখবে কখন কারা এসে আমকাঠে

সাজিয়ে রেখেছে চিতা : বাংলার শ্রাবণের বিস্মিত আকাশ
চেলে র'বে; ভিজ়ে পেঁচা শাস্ত স্নিদ্ধ চোখ মেলে কদমের বনে
শোনাবে লক্ষ্মীর গল্প — ভাসানের গান নদী শোনাবে নির্জনে; -
চারিদিকে বাংলার ধানী শাড়ি — শাদা শাঁখা — বাংলার ঘাস
আকন্দ বাসকলতা-ঘেরা এক নীল মঠ — আপনার মনে
ভাঙতেছে ধীরে ধীরে; — চারিদিকে এই সব আশ্চর্য উচ্ছ্বাস —

আকাশে সাতটি তারা যখন উঠেছে ফুটে আমি এই ঘাসে
ব'সে থাকি ; কামরাঙা-লাল মেঘ যেন মৃত মনিয়ার মতো
গঙ্গাসাগরের ঢেউয়ে ডুবে গেছে — আসিয়াছে শান্ত অনঙ্গত
বাংলার নীল সন্ধ্যা — কেশবতী কন্যা যেন এসেছে আকাশে :
আমার চোখের 'পরে আমার মুখের 'পরে চুল তার ভাসে ;
পৃথিবীর কোনো পথ এ কন্যারে দেখে নিকো — দেখি নাই অত
অজস্র চুলের চুমা হিজলে কাঁঠালে জামে ঝরে অবিরত,
জানি নাই এত স্নিগ্ধ গন্ধ ঝরে রূপসীর চুলের বিন্যাসে

পৃথিবীর কোনো পথে : নরম ধানের গন্ধ — কল্‌মীর ঘ্রাণ,
হাঁসের পালক, শর, পুকুরের জল, চাঁদা সরপুঁটিদের
মৃদু ঘ্রাণ, কিশোরীর চাল-ধোয়া ভিজে হাত — শীত হাতখান,
কিশোরের পাল্ল-দলা মৃধাঘাস, — লাল লাল বটের ফলের
ব্যথিত গন্ধের ক্লান্ত নীরবতা — এরি মাঝে বাংলার প্রাণ :
আকাশে সাতটি তারা যখন উঠেছে ফুটে আমি পাই টের ।

কোথাও দেখি নি, আহা, এমন বিজন ঘাস — প্রান্তরের পারে
নরম বিমর্ষ চোখে চেয়ে আছে — নীল বদকে আছে তাহাদের
গঙ্গাফড়িঙের নীড়, কাঁচপোকা, প্রজাপতি, শ্যামাপোকা টের,
হিজলের ক্রান্ত পাতা — বটের অজস্র ফল ঝরে বারে বারে
তাহাদের শ্যাম বদকে ; — পাড়াগাঁর কিশোরেরা যখন কান্তারে
বেতের নরম ফল, নাটাফল খেতে আসে, ধন্দুল বীজের
খোঁজ করে ঘাসে ঘাসে, — বক তাহা জানে নাকো, পায় নাকো টের
শালিখ খঞ্জনা তাহা ; — লক্ষ লক্ষ ঘাস এই নদীর দু'ধারে

নরম কান্তারে এই পাড়াগাঁর বদকে শূন্যে সে কোন দিনের
কথা ভাবে ; তখন এ জলসিঁড়ি শূন্যে নি, মজে নি আকাশ,
বল্লাল সেনের ঘোড়া — ঘোড়ার কেশর ঘেরা ঘুঙুর জিনের
শব্দ হ'ত এই পথে — আরো আগে রাজপুত্র কত দিন রাশ
টেনে টেনে এই পথে — কি যেন খুঁজেছে, আহা, হয়েছে উদাস ;
আজ আর খোঁজাখুঁজি নাই কিছ, — নাটাফলে মিটিতেছে আশ —

হায় পাখি, একদিন কালীদহে ছিলে না কি— দহের বাতাসে
আষাঢ়ের দৃ'-পহরে কলরব কর নি কি এই বাংলায়!
আজ সারাদিন এই বাদলের কোলাহলে মেঘের ছায়ায়
চাঁদ সদাগর : তার মধুকর ডিঙাটির কথা মনে আসে,
কালীদহে কবে তারা পড়েছিল একদিন ঝড়ের আকাশে,—
সেদিনো অসংখ্য পাখি উড়েছিল না কি কালো বাতাসের গায়,
আজ সারাদিন এই বাদলের জলে ধলেশ্বরীর চড়ায়
গাংশালিথের ঝাঁক, মনে হয়, যেন সেই কালীদহে ভাসে :
এই সব পাখিগুলো কিছতেই আজিকার নয় যেন— নয়—

এ নদীও ধলেশ্বরী নয় যেন— এ আকাশ নয় আজিকার :
ফণীমনসার বনে মনসা রয়েছে না কি?— আছে; মনে হয়,
এ নদী কি কালীদহ নয়? আহা, ঐ ঘাটে এলানো খোঁপার
সনকার মূখ আমি দেখি না কি? বিষন্ন মলিন ক্রান্ত কি যে
সত্য সব;— তোমার এ স্বপ্ন সত্য, মনসা বলিয়া গেল নিজে।

জীবন অথবা মৃত্যু চোখে র'বে— আর এই বাংলার ঘাস
র'বে বৃকে; এই ঘাস: সীতারাম রাজারাম রামনাথ রায়—
ইহাদের ঘোড়া আজো অন্ধকারে এই ঘাস ভেঙে চ'লে যায়—
এই ঘাস: এ'রি নিচে কঙ্কাবতী শঙ্খমালা করিতেছে বাস:
তাদের দেহের গন্ধ, চাঁপাফুল মাখা ম্লান চুলের বিন্যাস
ঘাস আজো ঢেকে আছে; যখন হেমন্ত আসে গোড় বাংলায়
কার্তিকের অপরাহ্নে হিজলের পাতা শাদা উঠানের গায়
ব'রে পড়ে, পুকুরের ক্রান্ত জল ছেড়ে দিয়ে চ'লে যায় হাঁস,

আমি এ ঘাসের বৃকে শূয়ে থাকি— শালিখ নিয়েছে নিঙড়িয়ে
নরম হলুদ পায়ে এই ঘাস; এ সবুজ ঘাসের ভিতরে
সৌন্দা ধূলো শূয়ে আছে— কাঁচের মতন পাখা এ ঘাসের গায়ে
ভেরেণ্ডাফুলের নীল ভোমরা'রা বৃলাতেছে— শাদা স্তন ঝরে
করবীর: কোন্ এক কিশোরী এসে ছিঁড়ে নিয়ে চ'লে গেছে ফুল,
তাই দুধ ঝরিতেছে করবীর ঘাসে ঘাসে: নরম ব্যাকুল।

যেদিন সরিষা যাব তোমাদের কাছ থেকে — দূর কুম্বাশায়
চলে যাব, সেদিন মরণ এসে অন্ধকারে আমার শরীর
ভিক্ষা ক'রে লয়ে যাবে; —সেদিন দু'দু' এই বাংলার তীর—
এই নীল বাংলার তীরে শূয়ে একা একা কি ভাবিব, হায়;—
সেদিন রবে না কোনো ক্ষোভ মনে — এই সোঁদা ঘাসের ধূলায়
জীবন যে কাটিয়াছে বাংলায় — চারিদিকে বাঙালীর ভিড়
বহু দিন কীর্তন ভাসান গান রূপকথা যাত্রা পাঁচালীর
নরম নিবিড় ছন্দে যারা আজো শ্রাবণের জীবন গোঙায়,
আমারে দিয়েছে তৃপ্তি; কোনো দিন রূপহীন প্রবাসের পথে
বাংলার মূখ ভুলে খাঁচার ভিতরে নষ্ট শূকের মতন
কাটাই নি দিন মাস, বেহুলার লহনার মধুর জগতে
তাদের পায়ের ধূলো-মাখা পথে বিকিয়ে দিয়েছি আমি মন
বাঙালী নারীর কাছে — চাল-ধোয়া স্নিদ্ধ হাত, ধান-মাখা চুল,
হাতে তার শাড়িটির কস্তা পাড়; — ডাঁশা আম কামরাঙা কুল।

পৃথিবী রয়েছে ব্যস্ত কোনখানে সফলতা শক্তির ভিতর,
 কোনখানে আকাশের গায়ে রুঢ় মনুমেষ্ট উঠিতেছে জেগে,
 কোথায় মাস্কুল তুলে জাহাজের ভিড় সব লেগে আছে মেঘে,
 জানি নাকো ;— আমি এই বাংলার পাড়াগাঁয়ে বাঁধিয়াছি ঘর :
 সন্ধ্যায় যে দাঁড়কাক উড়ে যায় তালবনে— মৃখে দৃটো খড়
 নিয়ে যায়— সকালে যে নিমপাখি উড়ে আসে কাতর আবেগে
 নীল তেঁতুলের বনে— তেমনি করুণা এক বৃকে আছে লেগে ;
 ব'ইচির বনে আমি জোনাকির রূপ দেখে হয়েছি কাতর ;

কদমের ডালে আমি শুনোঁছি যে লক্ষ্মীপেঁচা গেয়ে গেছে গান
 নিশ্চুতি জ্যোৎস্নার রাতে, — টুপ্ টুপ্ টুপ্ টুপ্ সারারাত বরে
 শুনোঁছি শিশিরগল্লো, — ম্লান মৃখে গড় এসে করেছে আহ্বান
 ভাঙা সোঁদা ইঁটগল্লো, — তারি বৃকে নদী এসে কি কথা মর্মরে ;
 কেউ নাই কোনোদিকে — তবু যদি জ্যোৎস্নায় পেতে থাক কান
 শুনবে বাতাসে শব্দ : 'ঘোড়া চ'ড়ে কই যাও হে রায়রায়ান—'



ঘুমিয়ে পড়িব আমি একদিন তোমাদের নক্ষত্রের রাতে
শিয়রে বৈশাখ মেঘ — শাদা শাদা যেন কর্দি-শঙ্খের পাহাড়
নদীর ওপার থেকে চেয়ে র'বে — কোনো এক শঙ্খবালিকার
ধূসর রূপের কথা মনে হবে — এই আম জামের ছায়াতে
কবে যেন তারে আমি দেখিয়াছি — কবে যেন রাখিয়াছে হাতে
তার হাত — কবে যেন তারপর শ্মশান চিতায় তার হাড়
ঝরে গেছে, কবে যেন; এ জনমে নয় যেন — এই পাড়াগাঁর
পথে তবু তিন শো বছর আগে হয়তো বা — আমি তার সাথে

কাটায়ছি; — পাঁচ শো বছর আগে হয়তো বা — সাত শো বছর
কেটে গেছে তারপর তোমাদের আম জাম কাঁঠালের দেশে;
ধান কাটা হয়ে গেলে মাঠে মাঠে কত বার কুড়ালাম খড়,
বাঁধলাম ঘর এই শ্যামা আর খঞ্জনার দেশ ভালোবেসে,
ভাসানের গান শুনে কত বার ঘর আর খড় গেল ভেসে
মাথুরের পালা বেঁধে কত বার ফাঁকা হ'ল খড় আর ঘর।

ঘুমায় পড়িব আমি একদিন তোমাদের নক্ষত্রের রাতে ;
তখনো ঘোঁষন প্রাণে লেগে আছে হয়তো বা — আমার তরুণ দিন
তখনো হয় নি শেষ — সেই ভালো — ঘুম আসে — বাংলার তৃণ
আমার বৃকের নিচে চোখ বৃজে — বাংলার আমের পাতাতে
কাঁচপোকা ঘুমায়ছে — আমিও ঘুমায়ে র'ব তাহাদের সাথে,
ঘুমাব প্রাণের সাথে এই মাঠে — এই ঘাসে — কথাভাষাহীন
আমার প্রাণের গল্প ধীরে ধীরে মৃছে যাবে — অনেক নবীন
নতুন উৎসব র'বে উজানের — জীবনের মধুর আঘাতে

তোমাদের ব্যস্ত মনে ; — তবুও, কিশোর, তুমি নখের আঁচড়ে
যখন এ ঘাস ছিঁড়ে চলে যাবে — যখন মানিকমালা ভোরে
লাল লাল বটফল কামরাঙা কুড়াতে আসিবে এই পথে —
যখন হলদে বোঁটা শেফালীর কোনো এক নরম শরতে
ঝরবে ঘাসের 'পরে, — শালিখ খঞ্জনা আজ কতদূর ওড়ে —
কতখানি রোদ — মেঘ — টের পাব শূন্যে শূন্যে মরণের ঘোরে ।

যখন মৃত্যুর ঘন্মে শূন্যে র'ব— অক্ষকারে নক্ষত্রের নিচে
কাঁঠাল গাছের তলে হয়তো বা ধলেশ্বরী চলাইয়ের পাশে—
দিনমাণে কোনো মৃদু হয়তো সে শ্মশানের কাছে নাহি আসে—
তবুও কাঁঠাল জাম বাংলার— তাহাদের ছায়া যে পড়িছে
আমার বৃকের 'পরে— আমার মৃথের 'পরে নীরবে ঝরিছে
থয়েরী অশথপাতা— ব'ইচি শেয়ালকাঁটা আমার এ দেহ ভালোবাসে,
নিবিড় হয়েছে তাই আমার চিতার ছাইয়ে— বাংলার ঘাসে
গভীর ঘাসের গুচ্ছে র'য়েছি ঘন্মায়ে আমি,— নক্ষত্র নড়িছে

আকাশের থেকে দূর— আরো দূর— আরো দূর— নির্জন আকাশে
বাংলার— তারপর অকারণ ঘন্মে আমি প'ড়ে যাই ঢলে;
আবার যখন জাগি, আমার শ্মশানচিতা বাংলার ঘাসে
ভ'রে আছে, চেয়ে দেখি,— বাসকের গন্ধ পাই— আনারস ফুলে
ভোমরা উড়িছে, শূন্য— গুব্বরে পোকাকার ক্ষীণ গুমরানি ভাসিছে বাতাসে
রোদের দূপদূর ভ'রে— শূন্য আমি : ইহারা আমারে ভালোবাসে—

আবার আসিব ফিরে ধানসিঁড়িটির তীরে — এই বাংলায়
হয়তো মান্দুব নয় — হয়তো বা শঙ্খচিল শালিখের বেশে ;
হয়তো ভোরের কাক হয়ে এই কার্তিকের নবাম্বের দেশে
কুয়াশার বৃকে ভেসে একদিন আসিব এ কাঁঠাল-ছায়ায় ;
হয়তো বা হাঁস হ'ব — কিশোরীর — ঘুঙুর রহিবে লাল পায়,
সারা দিন কেটে যাবে কলমীর গন্ধ ভরা জলে ভেসে ভেসে ;
আবার আসিব আমি বাংলার নদী মাঠ ক্ষেত ভালোবেসে
জলাঙ্গীর ঢেউয়ে ভেজা বাংলার এ সবুজ করুণ ডাঙায় ;

হয়তো দেখিবে চেয়ে সদৃশন উড়িতেছে সন্ধ্যার বাতাসে ;
হয়তো শুনিবে এক লক্ষ্মীপেঁচা ডাকিতেছে শিমুলের ডালে ;
হয়তো খইয়ের ধান ছড়াতেছে শিশু এক উঠানের ঘাসে ;
রূপসার ঘোলা জলে হয়তো কিশোর এক শাদা ছেঁড়া পালে
ডিঙা বায় ; — রাঙা মেঘ সাঁতরায়ে অন্ধকারে আসিতেছে নীড়ে
দেখিবে ধবল বর্ক : আমরাই পাবে তুমি ইহাদের ভিড়ে —

যদি আমি ঝরে যাই একদিন কার্তিকের নীল কুয়াশায় :
যখন ঝরিছে ধান বাংলার ক্ষেতে ক্ষেতে ম্লান চোখ বৃজে,
যখন চড়াই পাখি কাঁঠালীচাঁপার নীড়ে ঠেঁট আছে গৃজে,
যখন হলদ পাতা মিশিতেছে উঠানের খয়েরী পাতায়,
যখন পুকুরে হাঁস সোঁদা জলে শিশিরের গন্ধ শৃঙ্খ পায়,
শামুক গুগলিগুলো প'ড়ে আছে শ্যাওলার মলিন সবুজে,—
তখন আমরা যদি পাও নাকো লালশাক-ছাওয়া মাঠে খৃজে,
ঠেস্ দিয়ে ব'সে আর থাকি নাকো যদি বৃনো চাল্‌তার গায়,

তাহ'লে জানিও তুমি আসিয়াছে অন্ধকারে মৃত্যুর আহ্বান—
যার ডাক শূনে রাঙা রৌদ্রেরো চিল আর শালিখের ভিড়
একদিন ছেড়ে যাবে আম জাম বনে নীল বাংলার তীর,
যার ডাক শূনে আজ ক্ষেতে ক্ষেতে ঝরিতেছে খই আর মৌরির ধান ;—
কবে যে আসবে মৃত্যু : বাসমতী চালে-ভেজা শাদা হাতখান
রাখো বৃকে, হে কিশোরী, গোরোচনারূপে আমি করিব যে স্নান—

মনে হয় একদিন আকাশের শুকতারা দেখিব না আর ;
দেখিব না হেলেন্সার ঝোপ থেকে এক ঝাড় জোনাকি কখন
নিভে যায় ; — দেখিব না আর আমি পরিচিত এই বাঁশবন,
শুকনো বাঁশের পাতা-ছাওয়া মাটি হয়ে যাবে গভীর আঁধার
আমার চোখের কাছে ; — লক্ষ্মীপূর্ণিমার রাতে সে কবে আবার
পেঁচা ডাকে জ্যেৎমায় ; — হিজলের বঁকা ডাল করে গুঞ্জরণ ;
সারা রাত কিশোরীর লাল পাড় চাঁদে ভাসে — হাতের কাঁকন
বেজে ওঠে : বদ্বিব না — গঙ্গাজল, নারকোলনাড়ুগুলো তার

জানি না সে করে দেবে — জানি না সে চিনি আর শাদা তালশাঁস
হাতে লয়ে পলাশের দিকে চেয়ে দুরারে দাঁড়ায়ে র'বে কি না ...
আবার কাহার সাথে ভালোবাসা হবে তার — আমি তা জানি না ; —
মৃত্যুরে কে মনে রাখে ? ... কীর্তিনাশা খুঁড়ে খুঁড়ে চলে বারো মাস
নতুন ডাঙার দিকে — পিছনের অবিরল মৃত চর বিনা
দিন তার কেটে যায় — শুকতারা নিভে গেলে কাঁদে কি আকাশ ?

যে শালিখ মরে যায় কুয়াশায় — সে তো আর ফিরে নাহি আসে :
কাণ্ডনমালা যে কবে ঝরে গেছে ; — বনে আজো কলমীর ফুল
ফুটে যায় — সে তবু ফেরে না, হয়, — বিশালাক্ষী : সে-ও তো রাতুল
চরণ মর্ছিয়া নিয়া চলে গেছে ; — মাঝপথে জলের উচ্ছ্বাসে
বাধা পেয়ে নদীরা মর্জিয়া গেছে দিকে দিকে — শ্মশানের পাশে
আর তারা আসে নাকো ; — সুন্দরীর বনে বাঘ ভিজ্জে জ্বল জ্বল
চোখ তুলে চেয়ে থাকে — কত পাটরানীদের গাড় এলো চুল
এই গোড়ি বাংলার — পড়ে আছে তাহার পায়ের তলে ঘাসে

জানে সে কি ! দেখে না কি তারা বনে পড়ে আছে বিচূর্ণ দেউল,
বিশুদ্ধ পশ্মের দীর্ঘ — ফোঁপরা মহলা ঘাট, হাজার মহাল
মৃত সব রূপসীরা : বৃকে আজ ভেরেণ্ডার ফুলে ভীমরুল
গান গায় — পাশ দিয়ে খল্ খল্ খল্ খল্ বয়ে যায় খাল,
তবু ঘুম ভাঙে নাকো — একবার ঘুমালে কে উঠে আসে আর
যদিও ডুকানি যায় শঙ্খচিল — মর্মরিষা মরে গো মাদার ।

কোথাও চলিয়া যাব একদিন; — তারপর রাত্রির আকাশ
 অসংখ্য নক্ষত্র নিয়ে ঘুরে যাবে কত কাল জানিব না আমি;
 জানিব না কত কাল উঠানে ঝরিবে এই হলুদ বাদামী
 পাতাগুলো — মাদারের ডুমুরের — সৌদা গন্ধ — বাংলার স্বাস
 ব্দকে নিয়ে তাহাদের; — জানিব না পরত্পনী মধুক্পী ঘাস
 কত কাল প্রান্তরে ছড়িয়ে রবে, — কাঁঠাল-শাখার থেকে নামি
 পাখনা ডালিবে পেঁচা এই ঘাসে — বাংলার সবুজ বালামী
 ধানী শাল পশ্মিনা ব্দকে তার — শরতের রোদের বিলাস
 কত কাল নিঙড়াবে; — আঁচলে নাটার কথা ভুলে গিয়ে ব্দবি
 কিশোরের মধুখে চেয়ে কিশোরী করিবে তার মদু মাথা নিচু;
 আসন্ন সন্ধ্যার কাক — করুণ কাকের দল খোড়ো নীড় খুঁজি
 উড়ে যাবে; — দ্দপদুরে ঘাসের ব্দকে সিদ্দুরের মতো রাঙা লিচু
 মদু গুঁজে পড়ে রবে; — আমিও ঘাসের ব্দকে রব মদু গুঁজি;
 মদু কাঁকনের শব্দ — গোয়োচনা জিনি রং চিনিব না কিছু —

তোমার বৃক্ষের থেকে একদিন চ'লে যাবে তোমার সন্তান
বাংলার বৃক্ষ ছেড়ে চ'লে যাবে; যে ইঞ্জিতে নক্ষত্রও ঝরে,
আকাশের নীলাভ নরম বৃক্ষ ছেড়ে দিয়ে হিমের ভিতরে
ডুবে যায়,— কুয়াশায় ঝ'রে পড়ে দিকে দিকে রূপশালী ধান
একদিন;— হয়তো বা নিমপেঁচা অন্ধকারে গা'বে তার গান,
আমারে কুড়ায়ে নেবে মেঠো ই'ন্দুরের মতো মরণের ঘরে—
হৃদয়ে ক্ষুদ্রের গন্ধ লেগে আছে আকাঙ্ক্ষার — তবুও তো চোখের উপরে
নীল মৃত্যু উজাগর — বাঁকা চাঁদ, শূন্য মাঠ, শিশিরের ঘ্রাণ—

কখন মরণ আসে কে বা জানে— কালীদহে কখন যে ঝড়
কমলের নাল ভাঙে — ছিঁড়ে ফেলে গাংচিল শালিখের প্রাণ
জানি নাকো; — তবু যেন মরি আমি এই মাঠ-ঘাটের ভিতর,
কৃষ্ণা যমুনার নয় — যেন এই গাঙুড়ের ঢেউয়ের আঘাণ
লেগে থাকে চোখে ম'খে — রূপসী বাংলা যেন বৃক্ষের উপর
জেগে থাকে; তারি নিচে শূন্যে থাকি যেন আমি অর্ধনারীশ্বর ।

গোলপাতা ছাউনির বৃক চুমে নীল ধোঁয়া সকালে সন্ধ্যায়
উড়ে যায় — মিশে যায় আমবনে কার্তিকের কুস্মাশার সাথে ;
পুকুরের লাল সর ক্ষীণ ঢেউয়ে বার বার চায় যে জড়াতে
করবারি কচি ডাল ; চুমো খেতে চায় মাছরাঙাটির পায় ;
এক-একটি ইষ্ট ধরসে — ডুবজলে ডুব দিয়ে কোথায় হারায়
ভাঙা ঘাটলায় এই — আজ আর কেউ এসে চাল-ধোয়া হাতে
বিন্দুনি খসায় নাকো — শুকনো পাতা সারা দিন থাকে যে গড়াতে ;
কড়ি খেলিবার ঘর মজে গিয়ে গোখরুর ফাটলে হারায় ;

ডাইনির মতো হাত তুলে তুলে ভাঁট আঁশশ্যাওড়ার বন
বাতাসে কি কথা কয় বৃকি নাকো, — বৃকি নাকো চিল কেন কাঁদে ;
পৃথিবীর কোনো পথে দেখি নাই আমি, হয়, এমন বিজন
শাদা পথ — সৌন্দা পথ — বাঁশের ঘোমটা মুখে বিধবার ছাঁদে
চলে গেছে — শ্মশানের পারে বৃকি ; — সন্ধ্যা আসে সহসা কখন ;
স্নাজনার ডালে পেঁচা কাঁদে নিম — নিম — নিম কার্তিকের চাঁদে ।

অশ্বখে সন্ধ্যার হাওয়া যখন লেগেছে নীল বাংলার বনে
মাঠে মাঠে ফিরি একা : মনে হয় বাংলার জীবনে সঙ্কট
শেষ হয়ে গেছে আজ ; — চেয়ে দেখ কত শত শতাব্দীর বট
হাজার সবুজ পাতা লাল ফল বৃকে লয়ে শাখার ব্যঞ্জে
আকাঙ্ক্ষার গান গায় — অশ্বথেরো কি যেন কামনা জাগে মনে :
সতীর শীতল শব বহু দিন কোলে লয়ে যেন অকপট
উমার প্রেমের গল্প পেয়েছে সে,—চন্দ্রশেখরের মতো তার জট
উজ্জ্বল হতেছে তাই সপ্তমীর চাঁদে আজ পুনরাগমনে ;

মধুকুপী ঘাস-ছাওয়া ধলেশ্বরীটির পারে গৌরী বাংলার
এবার বল্লাল সেন আসিবে না জানি আমি — রায়গুণাকর
আসিবে না — দেশবন্ধু আসিয়াছে খরধার পদ্মায় এবার,
কালীদেহে ক্লাস্ত গাংশালিখের ভিড়ে যেন আসিয়াছে ঝড়,
আসিয়াছে চন্ডীদাস — রামপ্রসাদের শ্যামা সাথে সাথে তার :
শঙ্খমালা, চন্দ্রমালা : মৃত শত কিশোরীর কঙ্কণের স্বর ।

দেশবন্ধু: ১০২৬—১০৩২-এর স্মরণে

ভিজ়ে হ়়ে আস়ে মেঘে ং-দুপদু়র — চিল ংকা নদীটির পাশে
জ়ারদুল গ়াছের ড়ালে ব'সে ব'সে চেয়ে থাকে ওপ়ারের দিকে ;
পায়রা গ়িয়েছে উড়ে চব্দুতরে, খোপে তার ; — শসালত়াটিকে
ছেড়ে গেছে মৌমাছি ; — ক়ালো মেঘ জ়মিয়়াছে মাঘের আকাশে,
মরা প্রজ়াপ়াতিটির পাখ়ার নরম রেণ্দু ফ়েলে দিয়ে ঘ়াসে
পিংপড়়েরা চ'লে যায় ; — দুই দন্ড আম গ়াছে শালিখে শালিখে
ব্দুটোপ্দুটি, কোলাহল — বউকথ়াকও আর রাঙা বউটিকে
ড়াকে ন়াকো — হল্দুদ পাখনা তার ক়োনু য়েন ক'ঠ়ালে পলাশে

হার়য়েছে ; বউও উঠ়ানে ন়াই — প'ড়ে আছে ংকথ়ানা ঢে'কি :
খান কে কুটিবে বল — কত দিন সে ত়ো আর কোটে ন়াকো খান,
র়োদেও শ্দুকাতে সে য়ে আস়ে ন়াকো চুল তার — করে ন়াকো স্নান
ং-প্দুকু়রে — ভ়াড়়ারে খানের বীজ কলায়ে গ়িয়েছে তার দেখি,
তব্দুও সে আস়ে ন়াকো ; আজ ং-দুপদু়রে ংসে খই ভ়াজ়িবে কি ?
হে চিল, সোন়াৰ্লি চিল, রাঙা রাজকন্য়া আর প়াবে না কি প্র়াণ ?

খুঁজে তারে মর মিছে — পাড়াগাঁর পথে তারে পাবে নাকো আর ;
রয়েছে অনেক কাক এ-উঠানে — তবু সেই ক্লান্ত দাঁড়কাক
নাই আর ; — অনেক বছর আগে আমে জামে হুণ্ট এক ঝাঁক
দাঁড়কাক দেখা যেত দিন রাত, — সে আমার ছেলেবেলাকার
কবেকার কথা সব ; আসিবে না পৃথিবীতে সেদিন আবার :
রাত না ফুরাতে সে যে কদমের ডাল থেকে দিলে যেত ডাক, —
এখনো কাকের শব্দে অন্ধকার ভোরে আমি বিমনা, অবাক
তার কথা ভাবি শূন্য ; এত দিনে কোথায় সে ? কি যে হ'ল তার

কোথায় সে নিয়ে গেছে সঙ্গে ক'রে সেই নদী, ক্ষেত, মাঠ, ঘাস,
সেই দিন, সেই রাত্রি, সেই সব ম্লান চুল, ভিজ়ে শাদা হাত
সেই সব নোনা গাছ, করমচা, শামুক, গুগুঁলি, কচি তালশাঁস,
সেই সব ভিজ়ে ধুলো, বেলকুঁড়ি-ছাওয়া পথ — ধোঁয়াগুঠা ভাত,
কোথায় গিয়েছে সব ? — অসংখ্য কাকের শব্দে ভরছে আকাশ
ভোর রাতে — নবামের ভোরে আজ বৃকে যেন কিসের আঘাত !

পাড়াগাঁর দূ'-পহর ভালোবাসি — রৌদ্রে যেন গন্ধ লেগে আছে
স্বপনের ; — কোন গল্প, কি কাহিনী, কি স্বপ্ন যে বাঁধিয়াছে ঘর
আমার হৃদয়ে, আহা, কেউ তাহা জানে নাকো — কেবল প্রাস্তর
জানে তাহা, আর ঐ প্রাস্তরের শব্দচিহ্ন ; তাহাদের কাছে
যেন এ-জনমে নয় — যেন ঢের যুগ ধরে কথা শিখিয়াছে
এ-হৃদয় — স্বপ্নে যে-বেদনা আছে : শব্দ পাতা — শালিখের স্বর,
ভাঙা মঠ — নক্সাপেড়ে শাড়িখানা মেরেটির রৌদ্রের ভিতর
হলুদ পাতার মতো সরে যায়, জলসিঁড়িটির পাশে ঘাসে

শাখাগুলো নুয়ে আছে বহু দিন ছন্দোহীন বুনো চালতার :
জলে তার মৃৎখানা দেখা যায় — ডিঙিও ভাসিছে কার জলে,
মালিক কোথাও নাই, কোনোদিন এই দিকে আসিবে না আর,
ঝাঁঝরা ফোঁপরা. আহা, ডিঙিটরে বেঁধে রেখে গিয়েছে হিজলে .
পাড়াগাঁর দূ'-পহর ভালোবাসি — রৌদ্রে যেন ভিজে বেদনার
গন্ধ লেগে আছে, আহা, কেঁদে কেঁদে ভাসিতেছে আকাশের তলে ।

কখন সোনার রোদ নিভে গেছে — অবিরল শূন্যের সারি
অঁধারে যেতেছে ডুবে — প্রান্তরের পায় থেকে গরম বাতাস
ক্ষুধিত চিলের মতো চৈতনের এ-অক্ষকারে ফেলিতেছে শ্বাস ;
কোন চৈত্রে চ'লে গেছে সেই মেয়ে — আসিবে না, ক'রে গেছে আড়ি :
ক্ষীরুই গাছের পাশে একাকী দাঁড়িয়ে আজ বলিতে কি পারি
কোথাও সে নাই এই পৃথিবীতে — তাহার শরীর থেকে শ্বাস
ঝ'রে গেছে ব'লে তারে ভুলে গেছে নক্ষত্রের অসীম আকাশ,
কোথাও সে নাই আর — পাব নাকো তারে কোনো পৃথিবী নিঙাড়ি ?

এই মাঠে — এই ঘাসে — ফল্‌সা এ-ক্ষীরুয়ে যে গন্ধ লেগে আছে
আজো তার ; যখন তুলিতে যাই ঢেঁকিশাক — দু'পদের রোদে
সর্বের ক্ষেতের দিকে চেয়ে থাকি — অঘাণে যে ধান ঝরিয়াছে,
তাহার দু'এক গুচ্ছ তুলে নিই, চেয়ে দেখি নিজ'ন আমোদে
পৃথিবীর রাঙা রোদ চড়িতেছে আকাঙ্ক্ষায় চিনিচাঁপা গাছে —
জানি সে আমার কাছে আছে আজো — আজো সে আমার কাছে আছে ।

এই পৃথিবীতে এক স্থান আছে — সব চেয়ে সুন্দর করুণ :
সেখানে সবুজ ডাঙা ভাঁরে আছে মধুকপী ঘাসে অবিরল ;
সেখানে গাছের নাম : কাঁঠাল, অশ্বথ, বট, জারুল, হিজল ;
সেখানে ভোরের মেঘে নাটার রঙের মতো জাগিছে অরুণ ;
সেখানে বারুণী থাকে গঙ্গাসাগরের বৃকে, — সেখানে বরুণ
কর্ণফুলী ধলেশ্বরী পশ্মা জলাঙ্গীরে দেয় অবিরল জল ;
সেইখানে শখ্চিল পানের বনের মতো হাওয়ায় চঞ্চল,
সেইখানে লক্ষ্মীপেঁচা ধানের গন্ধের মতো অক্ষুট, তরুণ ;

সেখানে লেবুর শাখা নুয়ে থাকে অন্ধকারে ঘাসের উপর ;
সুদর্শন উড়ে যার ঘরে তার অন্ধকার সন্ধ্যার বাতাসে ;
সেখানে হলুদ শাড়ি লেগে থাকে রূপসীর শরীরের 'পর —
শখমালা নাম তার : এ-বিশাল পৃথিবীর কোনো নদী ঘাসে
তারে আর খুঁজে তুমি পাবে নাকো — বিশালাক্ষী দিয়েছিল বর,
তাই সে জন্মেছে নীল বাংলার ঘাস আর ধানের ভিতর ।

কত ভোরে—দু'-পহরে—সন্ধ্যায় দেখি নীল শূপদীর বন
বাতাসে কাঁপছে ধীরে;—খাঁচার শূকের মতো গাহিতেছে গান
কোন এক রাজকন্যা—পরনে ঘাসের শাড়ি—কালো চুল খান
বাংলার শালিধান—আঙিনায় ইহাদের করেছে বরণ,
হৃদয়ে জলের গন্ধ কন্যার—ঘুম নাই, নাইকো মরণ
তার আর কোনোদিন—পালঙ্কে সে শোয় নাকো, হয় নাকো স্নান,
লক্ষ্মীপেঁচা শ্যামা আর শালিখের গানে তারে জাগিতেছে প্রাণ
সারাদিন—সারারাত বৃকে ক'রে আছে তার শূপদীর বন;

সকালে কাকের ডাকে আলো আসে, চেষ্টে দেখি কালো দাঁড়কাক
সবুজ জঙ্গল ছেয়ে শূপদীর—শ্রীমন্তও দেখেছে এমন :
যখন ময়ূরপঙ্খী ভোরের সিন্ধুর মেঘে হয়েছে অবাক,
সুন্দর প্রবাস থেকে ফিরে এসে বাংলার শূপদীর বন
দেখিয়াছে—অকস্মাৎ গাঢ় নীল; করুণ কাকের ক্লান্ত ডাক
শুনিয়াছে—সে কত শতাব্দী আগে ডেকেছিল তাহারা যখন।



এই ডাঙা ছেড়ে হায় রূপ কে খুঁজিতে যায় পৃথিবীর পথে ।
বটের শুকনো পাতা যেন এক যুগান্তের গল্প ডেকে আনে :
ছড়িয়ে র'য়েছে তারা প্রান্তরের পথে পথে নির্জন অঘ্রাণে ;—
তাদের উপেক্ষা ক'রে কে যাবে বিদেশে বল — আমি কোনো-মতে
বাসমতী ধানক্ষেত ছেড়ে দিয়ে মালাবারে — উঁটির পর্বতে
যাব নাকো ;— দেখিব না পামগাছ মাথা নাড়ে সমুদ্রের গানে
কোন দেশে, — কোথায় এলাচিফুল দারুচিনি বারুণীর প্রাণে
বিনুনি খসায় ব'সে থাকিবার স্বপ্ন আনে ;— পৃথিবীর পথে

যাব নাকো : অশ্বখের ঝরাপাতা ম্লান শাদা ধুলোর ভিতর,
যখন এ-দু-পহরে কেউ নাই কোনো দিকে — পার্থিটিও নাই,
অবিরল ঘাস শুধু ছড়িয়ে র'য়েছে মাটি কাঁকরের 'পর,
খড়কুটো উল্টায় ফিরিতেছে দু'-একটা বিবল চড়াই,
অশ্বখের পাতাগুলো প'ড়ে আছে ম্লান শাদা ধুলোর ভিতর ;
এই পথ ছেড়ে দিয়ে এ-জীবন কোনোখানে গেল নাকো তাই ।

এখানে আকাশ নীল — নীলাভ আকাশ জুড়ে সজিনার ফুল
ফুটে থাকে হিম শাদা — রং তার আশ্বিনের আলোর মতন ;
আকন্দফুলের কালো ভীমরুল এইখানে করে গুঞ্জরণ
রৌদ্রের দৃপ্তর ভরে ; — বার বার রোদ তার সূচিক্রম চুল
কাঁঠাল জামের বৃকে নিঙড়ায় ; — দহে বিলে চঞ্চল আঙুল
বুলায়ে বুলায়ে ফেরে এইখানে জাম লিচু কাঁঠালের বন,
ধনপতি, শ্রীমস্তুর, বেহুলার, লহনার ছুঁয়েছে চরণ ;
মেঠো পথে মিশে আছে কাক আর কোকিলের শরীরের ধূল,

কবেকার কোকিলের, জান কি তা ? যখন মনুকুন্দরাম, হায়,
লিখিতেছিলেন ব'সে দৃ'-পহরে সাধের সে চন্ডি কামঙ্গল,
কোকিলের ডাক শব্দে লেখা তাঁর বাধা পায় — থেমে থেমে যায় ; —
অথবা বেহুলা একা যখন চলেছে ভেঙে গাঙুড়ের জল
সন্ধ্যার অঙ্ককারে, ধান ক্ষেতে, আমবনে, অস্পষ্ট শাখায়
কোকিলের ডাক শব্দে চোখে তার ফুটেছিল কুয়াশা কেবল ।

কোথাও মঠের কাছে—যেইখানে ভাঙা মঠ নীল হয়ে আছে
শ্যাওলায়—অনেক গভীর ঘাস জমে গেছে বৃকের ভিতর,
পাশে দীর্ঘ মজে আছে—রূপালি মাছের কণ্ঠে কামনার স্বর
যেইখানে পাটরানী আর তার রূপসী সখীরা শুনিয়েছে
বহু—বহু দিন আগে;—যেইখানে শঙ্খমালা কাঁথা বুনিয়েছে
সে কত শতাব্দী আগে মাছরাঙা-ঝিলমিল;—কাঁড়-খেলা ঘর;
কোন্ যেন কুহকীর ঝাড়ফুঁকে ডুবে গেছে সব তারপর;
একদিন আমি যাব দূ'-পহরে সেই দূর প্রান্তরের কাছে,

সেখানে মানুস কেউ যায় নাকো—দেখা যায় বাঘিনীর ডোরা
বেতের বনের ফাঁকে,—জারুল গাছের তলে রৌদ্র পোহায়
রূপসী মৃগীর মূখ দেখা যায়,—শাদা ভাঁটপুপের তোড়া
আলোকলতার পাশে গন্ধ ঢালে দ্রোণ ফুল বাসকের গায়;
তবুও সেখানে আমি নিয়ে যাব এক দিন পাটুকিলে ঘোড়া,
যার রূপ জন্মে জন্মে কাঁদিয়েছে আমি তারে খুঁজিব সেথায়।

চ'লে যাব শূকনো পাতা-ছাওয়া ঘাসে — জামরুল হিজলের বনে ;
তলতা বাঁশের ছিপ হাতে র'বে — মাছ আমি ধরব না কিছ্দ ; —
দীঘির জলের গন্ধে রূপালি চিতল তার রূপসীর পিছ,
জামের গভীর পাতা-মাথা শাস্ত নীল জলে খেলিছে গোপনে ;
আনারস-ঝোপে ঐ মাছরাঙা তার মাছরাঙাটির মনে
অস্পষ্ট আলোয় যেন মূছে যায় ; — সিঁদুরের মতো রাঙা লিচু
ঝ'রে পড়ে পাতা ঘাসে — চেয়ে দেখি কিশোরী করেছে মাথা নিচু —
এসেছে সে দুপদরের অবসরে জামরুল লিচু আহরণে, —

চ'লে যায় ; নীলাম্বরী স'রে যায় কোকিলের পাখনার মতো
ক্ষীরয়ের শাখা ছুঁয়ে চালতার ডাল ছেড়ে বাঁশের পিছনে
কোনো দূর আকাঙ্ক্ষার ক্ষেতে মাঠে চ'লে যায় যেন অব্যাহত,
যদি তার পিছে যাও দেখিবে সে আকন্দের করবীর বনে
ভোমরার ভয়ে ভীরু ; বহুক্ষণ পায়চারি ক'রে আনমনে
তারপর চ'লে গেল : উড়ে গেল যেন নীল ভোমরার সনে ।

এখানে ঘৃণার ডাকে অপরাহ্নে শান্তি আসে মানুষের মনে ;
এখানে সবুজ শাখা আঁকাবাঁকা হলুদ পাখিরে রাখে ঢেকে ;
জামের আড়ালে সেই বউকথাকণ্ডিটরে যদি ফেল দেখে
একবার, — একবার দু'-পহর অপরাহ্নে যদি এই ঘৃণার গুঞ্জে
ধরা দাও, — তাহ'লে অনন্তকাল থাকিতে যে হবে এই বনে :
মোরির গন্ধমাখা ঘাসের শরীরে ক্লান্ত দেহটিরে রেখে
আঁধনের ক্ষেতঝরা কঁচি কঁচি শ্যামা পোকাদের কাছে ডেকে
র'ব আমি ; — চকোরীর সাথে যেন চকোরের মতন মিলনে ;

উঠানে কে রূপবতী খেলা করে — ছড়িয়ে দিতেছে বৃষ্টির ধান
শালিখেঁরে ; ঘাস থেকে ঘাসে ঘাসে খুঁটে খুঁটে খেতেছে সে তাই ;
হলুদ নরম পায়ে খয়েরী শালিখগুলো ডালিছে উঠান ;
চেয়ে দেখ সন্দরীরে : গোরোচনা রূপ নিয়ে এসেছে কি রাই !
নীলনদে — গাড় রৌদ্রে — কবে আমি দেখিয়াছি — করেছিল স্নান —

শ্মশানের দেশে তুমি আসিয়াছ—বহুকাল গেয়ে গেছ গান
সোনালি চিলের মতো উড়ে উড়ে আকাশের রৌদ্র আর মেঘে,—
লক্ষ্মীর বাহন বেই স্নিদ্ধ পাখি আশ্বিনের জ্যেষ্ঠার আবেগে
গান গায়—শুনিয়াছি রাখিপূর্ণিমার রাতে তোমার আহ্বান
তার মতো; আম চাঁপা কদমের গাছ থেকে গাহে অফুরান
যেন স্নিদ্ধ ধান ঝরে... অনন্ত সবুজ শালি আছে যেন লেগে
বুকে তব; বঙ্গালের বাংলায় কবে যে উঠিলে তুমি জেগে;
পশ্মা মেঘনা ইছামতী নয় শুধু—তুমি কবি করিয়াছ স্নান

সাত সমুদ্রের জলে,—ঘোড়া নিয়ে গেছ তুমি ধ্বংস নারীদেশে
অর্জুনের মতো, আহা,—আরো দূর স্নান নীল রূপের কুয়াশা
ফুঁড়েছ সুপর্ণ তুমি—দূর রং আরো দূর রেখা ভালোবেসে;
আমাদের কালীদহ—গাঙুড়—গাঙের চিল তবু ভালোবাসা
চায় যে তোমার কাছে—চায়, তুমি ঢেলে দাও নিজেরে নিঃশেষে
এই দহে—এই চূর্ণ মঠে মঠে—এই জীর্ণ বটে বাঁধ বাসা।

তব্দ তাহা ভুল জানি ... রাজবল্লভের কীর্তি' ভাঙে কীর্তিনাশা ;
তব্দও পশ্চার রূপ একুশরঙ্গের চেয়ে আরো ঢের গাঢ় —
আরো ঢের প্রাণ তার, বেগ তার, আরো ঢের জল, জয় আরো ;
তোমারো পৃথিবী পথ ; নক্ষত্রের সাথে তুমি খেলিতেছ পাশা :
শঙ্খমালা নয় শৃঙ্গ : অনুরাধা রোহিণীরও চাও ভালোবাসা,
না জানি সে কত আশা — কত ভালোবাসা তুমি বাসিতে যে পার !
এখানে নদীর ধারে বাসমতী খানগ্দলো ঝরছে আবারো ;
প্রান্তরের কুমাশায় এইখানে বাদ্দড়ের ষাওয়া আর আসা —

এসেছে সন্ধ্যার কাক ঘরে ফিরে ; — দাঁড়িয়ে রয়েছে জীর্ণ মঠ ;
মাঠের আঁধার পথে শিশু কাদে — লালপেড়ে প্দরোনো শাড়ির
ছবিটি ম্দছিয়া ষায় ধীরে ধীরে — কে এসেছে আমার নিকট ?
'কার শিশু ? বল তুমি' : শৃখালাম ; উত্তর দিল না কিছু বট ;
কেউ নাই কোনোদিকে — মাঠে পথে কুয়াশার ভিড় ;
তোমারে শৃখাই কবি : 'তুমিও কি জান কিছু এই শিশুটির ।'



সোনার খাঁচার বৃকে রহিব না আমি আর শৃকের মতন ;
কি গল্প শৃনিতে চাও তোমরা আমার কাছে—কোন্ গান, বল,
তাহ'লে এ-দেউলের খিলানের গল্প ছেড়ে চল, উড়ে চল,—
যেখানে গভীর ভোরে নোনাফল পাকিয়াছে,—আছে আতাবন ;
পউষের ভিজ়ে ভোরে, আজ হায় মন যেন করিছে কেমন ;—
চন্দ্রমালা, রাজকন্যা, মৃখ তুলে চেয়ে দেখ—শৃধাই, শৃন লো,
কি গল্প শৃনিতে চাও তোমরা আমার কাছে,—কোন্ গান, বল,
আমার সোনার খাঁচা খৃলে দাও, আমি যে বনের হীরামন ;

রাজকন্যা শোনে নাকো—আজ ভোরে আরসীতে দেখে নাকো মৃখ,
কোথায় পাহাড় দৃরে শাদা হয়ে আছে যেন কর্দির মতন,—
সেই দিকে চেয়ে চেয়ে দিনভোর ফেটে যায় রৃপসীর বৃক ;
তবৃও সে বোঝে না কি আমারো যে সাধ আছে—আছে আনমন
আমারো যে ... চন্দ্রমালা, রাজকন্যা, শোন শোন তোম তো চিবৃক ।
হাড়পাহাড়ের দিকে চেয়ে চেয়ে হিম হয়ে গেছে তার স্তন ।

কত দিন সন্ধ্যার অন্ধকারে মিলিয়াছি আমরা দৃ'জনে ;
আকাশপ্রদীপ জেদলে তখন কাহারো যেন কার্তিকের মাস
সাজায়েছে, — মাঠ থেকে গাজন গানের স্লান ধোঁয়াটে উচ্ছ্বাস
ভেসে আসে ; — ডানা তুলে সাপমাসী উড়ে যায় আপনার মনে
আকন্দ বনের দিকে ; — একদল দাঁড়কাক স্লান গুঞ্জরণে
নাট্যর মতন রাঙা মেঘ নিঙড়িয়ে নিয়ে সন্ধ্যার আকাশ
দৃ' মৃহৃর্ত ভ'রে রাখে — তারপর মৌরির গন্ধমাখা ঘাস
প'ড়ে থাকে ; লক্ষ্মীপেঁচা ডাল থেকে ডালে শৃধৃ উড়ে চলে বনে

আধ-ফোটা জ্যোৎস্নায় ; তখন ঘাসের পাশে কত দিন তুমি
হলুদ শাড়িটি বৃকে অন্ধকারে ফিস্কার পাখনার মতো
বসেছ আমার কাছে এইখানে — আঁসিয়াছে শটিবন চুমি
গভীর আঁধার আরো — দেখিয়াছি বাদৃড়ের মৃদৃ অবিরত
আসা-যাওয়া আমরা দৃ'জনে ব'সে — বলিয়াছি ছে'ড়াফাঁড়া কত
মাঠ ও চাঁদের কথ'া : স্লান চোখে একদিন সব শৃনেছ তো ।

এ-সব কবিতা আমি যখন লিখেছি ব'সে নিজ মনে একা ;
চালতার পাতা থেকে ট্‌প্‌ ট্‌প্‌ জ্যেৎস্নায় বরেকে শিশির ;
কুয়াশায় স্থির হয়ে ছিল স্নান ধানসিড়ি নদীটির তীর ;
বাদুড় আঁধার ডানা মেলে হিম জ্যেৎস্নায় কাটিয়াছে রেখা
আকাঙ্ক্ষার ; নিভু দীপ আগলায়ে মনোরমা দিয়ে গেছে দেখা
সঙ্গে তার কবেকার মৌমাছি.. কিশোরীর ভিড়
আমের বউল দিল শীতরাতে ;— আনিল আতার হিম ক্ষীর ;
মলিন আলোয় আমি তাহাদের দেখিলাম ,— এ-কবিতা লেখা

তাহাদের স্নান চুল মনে ক'রে ; তাহাদের কড়ির মতন
ধূসর হাতের রূপ মনে ক'রে ; তাহাদের হৃদয়ের তরে ।
সে কত শতাব্দী আগে তাহাদের করুণ শঙ্খের মতো স্তন
তাদের হলুদ শাড়ি — ক্ষীর দেহ — তাহাদের অপরূপ মন
চ'লে গেছে পৃথিবীর সব চেয়ে শাস্ত হিম সাস্ত্রনার ঘরে :
আমার বিষন্ন স্বপ্নে থেকে থেকে তাহাদের ঘুম ভেঙে পড়ে ।

কত দিন তুমি আর আমি এসে এইখানে বসিয়াছি ঘরের ভিতর
খড়ের চালের নিচে, অন্ধকারে;—সন্ধ্যায় ধূসর সজ্জল
মৃদু হাত খেলিতেছে হিজল জামের ডালে—বাদুড় কেবল
করিতেছে আসা-যাওয়া আকাশের মৃদু পথে;—ছিন্ন ভিজে খড়
বৃকে নিলে সনকার মতো যেন পড়ে আছে নরম প্রান্তর;
বাঁকা চাঁদ চেয়ে আছে;—কুয়াশায় গা ভাসিয়ে দেয় অবিরল
নিঃশব্দ গুবরে-পোকা—সাপমাসী—ধানী শ্যামাপোকাদের দল;
দিকে দিকে চাল-ধোয়া গন্ধ মৃদু—ধূসর শাড়ির ক্ষীণ স্বর

শোনা যায়;—মানুষের হৃদয়ের পুরোনো নীরব
বেদনার গন্ধ ভাসে;—খড়ের চালের নিচে তুমি আর আমি
কত দিন মলিন আলোয় বসে দেখেছি বৃবেছি এই সব;
সময়ের হাত থেকে ছুটি পেয়ে স্বপনের গোধূলিতে নামি
খড়ের চালের নিচে মৃধোমৃখি বসে থেকে তুমি আর আমি
ধূসর আলোয় বসে কত দিন দেখেছি বৃবেছি এই সব।

এখানে প্রাণের স্রোত আসে যায় — সন্ধ্যায় ঘুমায় নীরবে
মাটির ভিটের 'পরে — লেগে থাকে অন্ধকার ধুলোর আশ্রাণ
তাহাদের চোখে-মুখে ; — কদমের ডালে পেঁচা গেয়ে যায় গান ;
মনে হয় এক দিন পৃথিবীতে হয়তো এ-জ্যোৎস্না শব্দ র'বে,
এই শীত র'বে শব্দ ; রাতি ভ'রে এই লক্ষ্মীপেঁচা কথা ক'বে —
কাঁঠালের ডাল থেকে হিজলের ডালে গিয়ে করিবে আহ্বান
সাপমাসী পোকাটিরে ... সেই দিন আঁধারে উঠিবে ন'ড়ে ধান
ইন্দুরের ঠোঁটে-চোখে ; — বাদুড়ের কালো ডানা করমচা-পল্লবে

কুয়াশারে নিঙড়ায়ে উড়ে যাবে আরো দূর নীল কুয়াশায়,
কেউ তাহা দেখিবে না ; — সেদিন এ-পাড়াগাঁর পথের বিস্ময়
দেখিতে পাব না আর — ঘুমিয়ে রহিবে সব : যেমন ঘুমায়
আজ রাতে মৃত যারা ; যেমন হতেছে ঘুমে ক্ষয়
অশ্বখ ঝাউয়ের পাতা চূপে চূপে আজ রাতে, হয় ;
যেমন ঘুমায় মৃত্যু, — তাহার বৃকের শাড়ি যেমন ঘুমায় ।

একদিন যদি আমি কোনো দূর মান্দ্রাজের সমুদ্রের জলে
ফেনার মতন ভাসি শীত রাতে—আসি নাকো তোমাদের মাঝে
ফিরে আর — লিচুর পাতার 'পরে বহুদিন সাঁঝে
যেই পথে আসা-যাওয়া করিয়াছি, — একদিন নক্ষত্রের তলে
কয়েকটা নাট্যফল তুলে নিয়ে আনারসী শাড়ির আঁচলে
ফিঙার মতন তুমি লঘু চোখে চ'লে যাও জীবনের কাজে,
এই শূন্য ... বেঁজির পায়ের শব্দ পাতার উপরে যদি বাজে
সারারাত ... ডানার অস্পষ্ট ছায়া বাদুড়ের ক্রান্ত হয়ে চলে

যদি সে-পাতার 'পরে, — শেষ রাতে পৃথিবীর অন্ধকারে শীতে
তোমার ক্ষীরের মতো মৃদু দেহ—ধূসর চিবুক, বাম হাত
চালতা গাছের পাশে খোঁড়া ঘরে স্নিগ্ধ হয়ে ঘুমায় নিভৃত,
তবুও তোমার ঘুম ভেঙে যাবে একদিন চুপে অকস্মাৎ,
তুমি যে কড়ির মালা দিয়েছিলে — সে-হার ফিরিয়ে দিয়ে দিতে
যখন কে এক ছান্না এসেছিল ... দরজায় করে নি আঘাত।

দূর পৃথিবীর গন্ধে ভ'রে ওঠে আমার এ বাঙালীর মন
আজ রাতে ; একদিন মৃত্যু এসে যদি দূর নক্ষত্রের তলে
অচেনা ঘাসের বৃকে আমারে ঘুমিয়ে যেতে বলে,
তবুও সে ঘাস এই বাংলার অবিরল ঘাসের মতন
মউরির মৃদু গন্ধে ভ'রে র'বে ; — কিশোরীর স্তন
প্রথম জননী হয়ে যেমন ননীর ঢেউয়ে গলে
পৃথিবীর সব দেশে — সব চেয়ে ঢের দূর নক্ষত্রের তলে
সব পথে এই সব শান্তি আছে : ঘাস — চোখ — শাদা হাত — স্তন —

কোথাও আসিবে মৃত্যু — কোথাও সবুজ মৃদু ঘাস
আমারে রাখিবে ঢেকে — ভোরে, রাতে, দূ'-পহরে পাখির হৃদয়
ঘাসের মতন সাথে ছেয়ে র'বে — রাতের আকাশ
নক্ষত্রের নীল ফুলে ফুটে র'বে ; — বাংলার নক্ষত্র কি নয় ?
জানি নাকো ; তবুও তাদের বৃকে স্থির শান্তি — শান্তি লেগে রয় :
আকাশের বৃকে তারা যেন চোখ — শাদা হাত — যেন স্তন — ঘাস — ।

অশ্বখ বটের পথে অনেক হরোঁছি আমি তোমাদের সাথী;
ছড়ায়েছি খই ধান বহুদিন উঠানের শালিখের তরে;
সন্ধ্যায় পুকুর থেকে হাঁসটিরে নিয়ে আমি তোমাদের ঘরে
গিয়েছি অনেক দিন, — দেখিয়াছি ধূপ জ্বাল, ধর সন্ধ্যাবাত
থোড়ের মতন শাদা ভিজে হাতে, — এখনি আসিবে কিনা রাত
বিনুনি বেঁধেছ তাই — কাঁচপোকটিপ তুমি কপালের 'পরে
পরিয়াছ ... তারপর ঘুমায়েছ : কল্কাপাড় আঁচলটি ঝরে
পানের বাটার 'পরে; নোনার মতন নম্ন শরীরটি পাতি

নির্জন পালঙ্কে তুমি ঘুমায়েছ, — বউকথাকওটির ছানা
নীল জামরুল নীড়ে — জ্যোৎস্নায় — ঘুমায়ে রয়েছে যেন, হাস,
আর রাত্রি মাতা-পাখিটির মতো ছড়ায়ে রয়েছে তার ডানা।...
আজ আমি ক্লান্ত চোখে ব্যবহৃত জীবনের ধুলোয় কাঁটায়
চলে গেছি বহু দূরে; — দেখ নিকো, বোঝ নিকো, কর নিকো মানা;
রূপসী শঙ্খের কোঁটা তুমি যে গো প্রাণহীন — পানের বাটায়।

১০২৬-এর কতকগুলো দিনের স্মরণে



ঘাসের বৃক্ষের থেকে কবে আমি পেয়েছি যে আমার শরীর —
সবুজ ঘাসের থেকে ; তাই রোদ ভালো লাগে — তাই নীলাকাশ
মৃদু ভিজে সফরুণ মনে হয় ; — পথে পথে তাই এই ঘাস
জলের মতন স্নিগ্ধ মনে হয় ; — মউমাছীদের যেন নীড়
এই ঘাস ; — যত দূর যাই আমি আরো যত দূর পৃথিবীর
নরম পায়ের তলে যেন কত কুমারীর বৃক্ষের নিঃশ্বাস
কথা কয় — তাহাদের শান্ত হাত খেলা করে — তাদের খোঁপার এলো ফাঁস
খুলে যায় — ধূসর শাড়ির গন্ধে আসে তারা — অনেক নিবিড়

পদ্রোনো প্রাণের কথা কয়ে যায় — হৃদয়ের বেদনার কথা —
সান্ত্বনার নিভৃত নরম কথা — মাঠের চাঁদের গল্প করে —
আকাশের নক্ষত্রের কথা কয় ; — শিশিরের শীত সরলতা
তাহাদের ভালো লাগে, — কুয়াশারে ভালো লাগে চোখের উপরে ;
গরম বৃষ্টির ফোঁটা ভালো লাগে ; শীত রাতে — পেঁচার নম্রতা ;
ভালো লাগে এই যে অশ্বখপাতা আমপাতা সারা রাত বরে ।

এই জল ভালো লাগে; — বৃষ্টির রূপালি জল কত দিন এসে
ধুয়েছে আমার দেহ — বুলায়ে দিয়েছে চুল — চোখের উপরে
তার শাস্ত স্নিগ্ধ হাত রেখে কত খেলিয়াছে, — আবেগের ভরে
ঠোঁটে এসে চুমো দিয়ে চলে গেছে কুমারীর মতো ভালোবেসে;
এই জল ভালো লাগে; — নীলপাতা মৃদু ঘাস রৌদ্রের দেশে
ফিঙ্গা যেমন তার দিনগুলো ভালোবাসে — বনের ভিতরে
বার বার উড়ে যায়, — তেমনি গোপন প্রেমে এই জল ঝরে
আমার দেহের 'পরে আমার চোখের 'পরে ধানের আবেশে

ঝরে পড়ে; — যখন অম্লান রাতে ভরা স্কেত হয়েছে হলুদ,
যখন জামের ডালে পেঁচার নরম হিম গান শোনা যায়,
বনের কিনারে ঝরে যেই ধান বৃকে করে শাস্ত শালি-স্কৃদ,
তেমনি ঝরিছে জল আমার ঠোঁটের 'পরে — চোখের পাতায় —
আমার চুলের 'পরে; — অপরাহ্নে রাঙা রোদ সবুজ আতায়
রেখেছে নরম হাত যেন তার — ঢালিছে বৃকের থেকে দৃধ।

একদিন পৃথিবীর পথে আমি ফলিয়াছি ; আমার শরীর
নরম ঘাসের পথে হাঁটয়াছে ; বসিয়াছে ঘাসে
দেখিয়াছে নক্ষত্রেরা জোনাকিপোকাকার মতো কোঁতুকের অমেয় আকাশে
খেলা করে ; নদীর জলের গন্ধে ভরে যায় ভিজ়ে স্নিগ্ধ তীর
অন্ধকারে ; পথে পথে শব্দ পাই কাহাদের নরম শাড়ির,
স্নান চুল দেখা যায় ; সাস্তুনার কথা নিয়ে কারা কাছে আসে—
ধূসর কাঁড়র মতো হাতগুলো— নগ্ন হাত সন্ধ্যার বাতাসে
দেখা যায় ; হলদুদ ঘাসের কাছে মরা হিম প্রজাপতিটির

সুন্দর করুণ পাখা প'ড়ে আছে— দেখি আমি ; চুপে থেমে থাকি ;
আকাশে কমলা রঙ্ ফুটে ওঠে সন্ধ্যায়— কাকগুলো নীল মনে হয় ;
অনেক লোকের ভিড়ে ডুবে যাই— কথা কই— হাতে হাত রাখি ;
করুণ বিষন্ন চুলে কার যেন কোথাকার গভীর বিস্ময়
লুকায় রয়েছে বর্দা ; ... নক্ষত্রের নিচে আমি ঘুমাই একাকী ;
পেঁচার ধূসর ডানা সারারাত জোনাকির সাথে কথা কয় ।

পৃথিবীর পথে আমি বহুদিন বাস ক'রে হৃদয়ের নরম কাতর
অনেক নিভৃত কথা জানিয়াছি; পৃথিবীতে আমি বহুদিন
কাটায়েছি; বনে বনে ডালপালা উড়িতেছে— যেন পরী জিন্
কথা কয়; ধূসর সন্ধ্যায় আমি ইহাদের শরীরের 'পর
খইয়ের ধানের মতো দেখিয়াছি ঝরে ঝর্ ঝর্
দু'-ফোঁটা মাথের বৃষ্টি,— শাদা ধুলো জলে ভিজ়ে হয়েছে মলিন,
ম্লান গন্ধ মাঠে ক্ষেতে— গুবরে পোকাকর তুচ্ছ বৃক থেকে ক্ষীণ
অস্পষ্ট করুণ শব্দ ডুবিতেছে অন্ধকারে নদীর ভিতর:

এই সব দেখিয়াছি; দেখিয়াছি নদীটরেন— মজিতেছে ঢালু অন্ধকারে;
সাপমাসী উড়ে যায়; দাঁড়কাক অশ্বখের নীড়ের ভিতর
পাখনার শব্দ করে অবিরাম; কুয়াশায় একাকী মাঠের ঐ ধারে
কে যেন দাঁড়ালে আছে; আরো দূরে দু'-একটা স্তব্ব খোড়ো ঘর
প'ড়ে আছে; খাগড়ার বনে ব্যাং ডাকে কেন— থামিতে কি পারে;
(কাকের তরুণ ডিম পিছলায়ে প'ড়ে যায় শ্যাওড়ার ঝাড়ে।)

মানুষের ব্যথা আমি পেয়ে গেছি পৃথিবীর পথে এসে—হাসির আশ্বাদ
পেয়ে গেছি; দেখেছি আকাশে দূরে কড়ির মতন শাদা মেঘের পাহাড়ে
সূর্যের রাঙা ঘোড়া : পক্ষিরাজের মতো কমলারঙের পাখা ঝাড়ে
রাতের কুয়াশা ছিঁড়ে; দেখেছি শরের বনে শাদা রাজহাঁসদের সাথ
উঠেছে আনন্দে জেগে—নদীর স্নোভের দিকে বাতাসের মতন অবাধ
চলে গেছে কলরবে; দেখেছি সবুজ ঘাস—যত দূর চোখ যেতে পারে :
ঘাসের প্রকাশ আমি দেখিয়াছি অবিরল,—পৃথিবীর ক্লান্ত বেদনারে
ঢেকে আছে; দেখিয়াছি বাসমতী, কাশবন আকাঙ্ক্ষার রক্ত, অপরাধ

মুছিয়ে দিতেছে যেন বার বার—কোন এক রহস্যের কুয়াশার থেকে
যেখানে জন্মে না কেউ, যেখানে মরে না কেউ, সেই কুহকের থেকে এসে
রাঙা রোদ, শালিধান, ঘাস, কাশ, মরালেরা বার বার রাখিতেছে ঢেকে
আমাদের রক্ষ প্রশ্ন, ক্লান্ত ক্ষুধা, স্ফুট মৃত্যু—আমাদের বিস্মিত নীরব
রেখে দেয়—পৃথিবীর পথে আমি কেটেছি আঁচড় ঢের, অশ্রু গেছি রেখে :
তবু ঐ মরালীরা কাশ ধান রোদ ঘাস এসে এসে মুছে দেয় সব।

তুমি কেন বহু দূরে—টের দূরে—আরো দূরে—নক্ষত্রের অস্পষ্ট আকাশ,
তুমি কেন কোনোদিন পৃথিবীর ভিড়ে এসে বল নাকো একটিও কথা;
আমরা মিনার গাড়ি—ভেঙে পড়ে দূর-দিনেই—স্বপনের ডানা ছিঁড়ে ব্যথা
রক্ত হয়ে ঝরে শুধু এইখানে—ক্ষুধা হয়ে ব্যথা দেয়—নীল নাভিস্বাস
ফেনায় তুলিছে শুধু পৃথিবীতে পিরামিড-মৃগ থেকে আজো বারোমাস;
আমাদের সভা, আহা, রক্ত হয়ে ঝরে শুধু;—আমাদের প্রাণের মমতা
ফিড়িঙের ডানা নিয়ে ওড়ে, আহা : চেয়ে দেখে অন্ধকার কর্ঠন ক্ষমতা
ক্ষমাহীন—বার বার পথ আটকায়ে ফেলে—বার বার করে তারে গ্রাস;

তারপরে চোখ তুলে দেখি অই কোন্ দূর নক্ষত্রের ক্রান্ত আয়োজন
ক্রান্তিরে ভুলিতে বলে—ঘিয়ের সোনার-দীপে লাল নীল শিখা
জ্বলিতেছে যেন দূর রহস্যের কুয়াশায়,—আবার স্বপ্নের গন্ধে মন
কেঁদে ওঠে;—তবু জানি আমাদের স্বপ্ন হতে অশ্রু ক্রান্তি রক্তের কণিকা
ঝরে শুধু—স্বপ্ন কি দেখেনি বৃদ্ধ—নিউসিডিয়ায় বসে দেখেনি মণিকা?
স্বপ্ন কি দেখেনি রোম, এশিরিয়া, উজ্জয়িনী, গোড়-বাংলা, দিল্লী, বেবিলন?

আমাদের রুঢ় কথা শব্দনে তুমি স'রে যাও আরো দূরে বৃষ্টি নীলাকাশ;
তোমার অনন্ত নীল সোনার্লি ভোমরা নিয়ে কোনো দূর শাস্ত্রিৰ ভিতরে
ডুবে যাবে? ... কত কাল কেটে গেল, তবু তার কুয়াশার পর্দা না স'রে
পিৰামিড্ বোঁবলন শেষ হ'ল—ঝ'রে গেল কতবার প্রাস্তরের ঘাস;
তবুও লুকায়ে আছে যেই রূপ নক্ষত্রে তা' কোনোদিন হ'ল না প্রকাশ;
যেই স্বপ্ন যেই সত্য নিয়ে আজ আমরা চলিয়া যাই ঘরে,
কোনো এক অক্ষকারে হয়তো তা' আকাশের ষাষাবর মরালের স্বরে
নতুন স্পন্দন পায়—নতুন আগ্রহে গন্ধে ভ'রে ওঠে পৃথিবীর শ্বাস;

তখন আমরা অই নক্ষত্রের দিকে চাই—মনে হয় সব অস্পষ্টতা
ধীরে ধীরে ঝরিতেছে,—যেই রূপ কোনোদিন দেখি নাই পৃথিবীর পথে,
যেই শাস্ত্রি মৃত জননীৰ মতো চেয়ে থাকে—কয় নাকো কথা,
যেই স্বপ্ন বার বার নষ্ট হয় আমাদের এই সত্য রক্তের জগতে,
আজ যাহা ক্লাস্ত ক্ষীণ আজ যাহা নগ্ন চূর্ণ—অক্ষ মৃত হিম,
একদিন নক্ষত্রের দেশে তারা হয়ে রবে গোলাপের মতন রক্তিম।

এই পৃথিবীতে আমি অবসর নিয়ে শূন্য আসিয়াছি — আমি হুন্ট করি
আমি এক ; — ধুয়েছি আমার দেহ অন্ধকারে একা একা সমুদ্রের জলে ;
ভালোবাসিয়াছি আমি রাঙা রোদ স্নান কর্তৃক মাঠে — ঘাসের আঁচলে
ফাড়াগের মতো আমি বেড়ায়েছি ; — দেখেছি কিশোরী এসে হালদা করবী
ছিঁড়ে নেয় — বৃকে তার লাল-পেড়ে ভিজ়ে শাড়ি করুণ শঙ্খের মতো ছবি
ফুটাতেছে ; — ভোরের আকাশখানা রাজহাঁস ভরে গেছে নব কোলাহলে
নব নব সূচনার ; নদীর গোলাপী ঢেউ কথা বলে — তবু কথা বলে,
তবু জানি তার কথা কুয়াশায় ফুরায় না — কেউ যেন শূন্যতেছে সবি

কোন রাঙা শাটিনের মেখে বসে — অথবা শোনে না কেউ, শূন্য কুয়াশায়
মুছে যায় সব তার ; একদিন বর্ণচ্ছটা মুছে যাব আমিও এমন ;
তবু আজ সবুজ ঘাসের 'পরে বসে থাকি ; ভালোবাসি ; প্রেমের আশায়
পায়ের ধ্বনির দিকে কান পেতে থাকি চুপে ; কাঁটাবহরের

ফল করি আহরণ :

কল্পে যেন এইগুলো দেব আমি ; মৃদু ঘাসে একা একা বসে থাকা যায়
এই সব সাধ নিয়ে ; যখন আসিবে ঘুম তারপর, ঘুমাতে তখন ।

বাতাসে ধানের শব্দ শুনিয়েছি — ঝরিতেছে ধীরে ধীরে অপরাহ্ন ভরে ;
সোনালি রোদের রং দেখিয়েছি — দেহের প্রথম কোন্ প্রেমের মতন
রূপ তার — এলোচুল ছড়িয়ে রেখেছে ঢেকে গঢ় রূপ — আনারস বন ;
ঘাস আমি দেখিয়েছি ; দেখেছি সজনে ফুল চুপে চুপে পড়িতেছে ঝরে
মৃদু ঘাসে ; শান্তি পায় ; দেখেছি হলুদ পাখি বহুকণ থাকে চুপ করে,
নির্জন আমের ডালে দলে যায় — দলে যায় — বাতাসের সাথে বহুকণ ;
শুধু কথা, গান নয় — নীরবতা রচিত্তেছে আমাদের সবার জীবন
বুঝিয়েছি : শূন্যের সারিগুলো দিনরাত হাওয়ায় যে উঠিতেছে নড়ে,

দিনরাত কথা কম, ক্ষীরের মতন ফুল বৃকে ধরে, তাদের উৎসব
ফুরায় না ; মাছরাঙাটির সাথী ম'রে গেছে — দুপুরের নিঃসঙ্গ বাতাসে
তবু ঐ পাখিটির নীল লাল কমলা রঙের ডানা স্ফুট হয়ে ভাসে
আম নিম্ন জামরুলে ; প্রসন্ন প্রাণের স্নোত — অশ্রু নাই — প্রশ্ন নাই কিছু,
ঝিলমিল ডানা নিয়ে উড়ে যায় আকাশের থেকে দূর আকাশের পিছন ;
চেয়ে দেখি ঘুম নাই — অশ্রু নাই — প্রশ্ন নাই বটফলগন্ধ-মাখা ঘাসে ।

একদিন এই দেহ ঘাস থেকে ধানের আয়না থেকে এই বাংলার
জ্যেগেছিল; বাঙালী নারীর মূখ দেখে রূপ চিনেছিল দেহ একদিন;
বাংলার পথে পথে হেঁটেছিল গাংচিল শালিখের মতন স্বাধীন;
বাংলার জল দিয়ে ধুয়েছিল ঘাসের মতন স্ফুট দেহখানি তার;
একদিন দেখেছিল ধূসর বকের সাথে ঘরে চলে আসে অন্ধকার
বাংলার; কাঁচা কাঠ জ্বলে ওঠে—নীল ধোঁয়া নরম মলিন
বাতাসে ভাসিয়া যায় কুয়াশার কল্পন নদীর মতো ক্ষীণ;
ফেনসা ভাতের গন্ধে আমমুকুলের গন্ধ মিশে যায় যেন বার বার;

এই সব দেখেছিল; রূপ যেই স্বপ্ন আনে—স্বপ্নে যেই রক্তাক্ততা আছে,
শিখেছিল সেই সব একদিন বাংলার চন্দ্রমালা রূপসীর কাছে;
তারপর বেত বনে, জোনাকি ঝাঁঝের পথে হিজল আমার অন্ধকারে
ঘুরেছে সে সৌন্দর্যের নীল স্বপ্ন বদকে করে,—রুঢ় কোলাহলে
গিয়ে তারে—

ঘুমন্ত কন্যারে সেই—জাগতে যায় নি আর—হয়তো সে কন্যার হৃদয়
শেখের মতন রুদ্ধ, অথবা পশ্মের মতো—ঘুম তবু ভাঙিবার নয়।

আজ তারা কই সব? ওখানে হিজল গাছ ছিল এক— পুকুরের জলে
বহুদিন মৃৎ দেখে গেছে তার; তারপর কি যে তার মনে হ'ল কবে
কখন সে ঝ'রে গেল, কখন ফুরাল, আহা,— চ'লে গেল কবে যে নীরবে,
তাও আর জানি নাকো;— ঠোঁট-ভাঙা দাঁড়কাক ঐ বেলগাছটির তলে
রোজ ভোরে দেখা দিত— অন্য সব কাক আর শালিখের হুস্ট কোলাহলে
তারে আর দেখি নাকো— কতদিন দেখি নাই; সে আমার ছেলেবেলা হবে,
জানালার কাছে এক বোলতার চাক ছিল— হৃদয়ের গভীর উৎসবে
খেলা ক'রে গেছে তারা কত দিন— ফড়িঙ্ক কীটের দিন যত দিন চলে

তাহারা নিকটে ছিল— রোদের আনন্দে মেতে— অন্ধকারে শাস্ত ঘুম খুঁজে
বহুদিন কাছে ছিল;— অনেক কুকুর আজ পথে ঘাটে নড়াচড়া করে
তবুও অঁধারে ঢের মৃত কুকুরের মৃৎ— মৃত বিড়ালের ছান্না ভাসে;
কোথায় গিয়েছে তারা? এই দূর আকাশের নীল লাল তারার ভিতরে
অথবা মাটির বৃকে মাটি হয়ে আছে শৃংখ— ঘাস হয়ে আছে শৃংখ ঘাসে?
শৃংখালাম ... উত্তর দিল না কেউ উদাসীন অসীম আকাশে।

হৃদয়ে প্রেমের দিন কখন যে শেষ হয় — চিতা শূন্য পড়ে থাকে তার,
আমরা জানি না তাহা ;— মনে হয় জীবনে যা আছে আজো তাই শালিধান
রূপশালি ধান তাহা...রূপ, প্রেম...এই ভাবি...খোসার মতন নষ্ট স্তান
একদিন তাহাদের অসারতা ধরা পড়ে, — যখন সবুজ অঙ্ককার,
নরম রাত্রির দেশ, নদীর জলের গন্ধ কোন্ এক নবীনাগতার
মুখখানা নিয়ে আসে — মনে হয় কোনোদিন পৃথিবীতে প্রেমের আহ্বান
এমন গভীর করে পেয়েছি কি : প্রেম যে নক্ষত্র আর নক্ষত্রের গান,
প্রাণ যে ব্যাকুল রাত্রি প্রান্তরের গাঢ় নীল অমাবস্যার —

চলে যায় আকাশের সেই দূর নক্ষত্রের লাল নীল শিখার সন্ধান,
প্রাণ যে আঁধার রাত্রি আমার এ, — আর তুমি স্বাতীর মতন
রূপের বিচিত্র বাতি নিয়ে এলে, — তাই প্রেম ধূলায় কাঁটায় যেইখানে
মৃত হয়ে পড়ে ছিল পৃথিবীর শূন্য পথে পেল সে গভীর শিহরণ ;
তুমি, সখি, ডুবে যাবে মূহুর্তেই রোমহর্ষে — অনিবার অরুণের স্নানে
জানি আমি ; প্রেম যে তবুও প্রেম : স্বপ্ন নিয়ে বেঁচে রবে,

বাঁচতে সে জানে।

কোনোদিন দেখিব না তারে আমি; হেমন্তে পাকিবে ধান, আষাঢ়ের রাতে
কালো মেঘ নিঙড়িয়ে সবুজ বাঁশের বন গেয়ে যাবে উচ্ছ্বাসের গান
সারারাত, — তবু আমি সাপচরা অন্ধ পথে — বেণুবনে তাহার সন্ধান
পাব নাকো : পদকুরের পাড়ে সে যে আসিবে না কোনোদিন হাঁসিনের সাথে,
সে কোনো জ্যোৎস্নায় আর আসিবে না — আসিবে না কখনো প্রভাতে,
যখন দৃপদরে রৌদে অপরাণিতার মন্থ হয়ে থাকে ম্লান,
যখন মেঘের রঙে পথহারা দাঁড়কাক পেয়ে গেছে ঘরের সন্ধান,
ধূসর সন্ধ্যায় সেই আসিবে না সে এখানে; — এইখানে ধূন্দুল লতাতে

জোনাকি আসিবে শূন্য; ঝিঝি শূন্য সারারাত কথা

কবে ঘাসে আর ঘাসে;

বাদুড় উড়বে শূন্য পাখনা ভিজিয়ে নিয়ে শান্ত হয়ে রাতের বাতাসে;
প্রতিটি নক্ষত্র তার স্থান খুঁজে জেগে রবে প্রতিটির পাশে
নীরব ধূসর কণা লেগে রবে তুচ্ছ অণুকণাটির শ্বাসে
অন্ধকারে; — তুমি, সখি, চলে গেলে দূরে তবু; — হৃদয়ের গভীর বিশ্বাসে
অশ্বখের শাখা ঐ দুলিতেছে : আলো আসে, ভোর হয়ে আসে।

ঘাসের ভিতরে যেই চড়ায়ের শাদা ডিম ভেঙে আছে—আমি ভালোবাসি
নিস্তক করুণ মৃদু তার এই—কবে যেন ভেঙেছিল—চের ধূলো খড়
লেগে আছে বৃকে তার—বহুক্ষণ চেয়ে থাকি;—তারপর ঘাসের ভিতর
শাদা শাদা ধূলোগ্দুলো পড়ে আছে, দেখা যায়; খইখান দেখি একরাশি
ছড়িয়ে রয়েছে চুপে; নরম বিষন্ন গন্ধ পুকুরের জল থেকে উঠতেছে ভাসি;
কান পেতে থাক যদি, শোনা যায়, সরপাটী চিতলের উন্মাসিত স্বর
মিশ্রিত হয়ে মতো; সবুজ জলের ফাঁকে তাদের পাতালপূরী ঘর
দেখা যায়—রহস্যের কুয়াশায় অপরাধ—রূপালি মাছের

দেহ গভীর উদাসী

চলে যায় মন্সিকুমারের মতো, কোটাল-ছেলের মতো, রাজার

ছেলের মতো মিলে

কোন এক আকাঙ্ক্ষার উন্মাতনে কত দরে;—বহুক্ষণ চেয়ে থাকি একা;
অপরাহু এল বৃষ্টি?—রাঙা রৌদ্রে মাছরাঙা উড়ে যায়—ডানা ঝিলমিলে;
এখনই আসবে সন্ধ্যা,—পৃথিবীতে স্নিগ্ধমাগ গোখলি নামিলে
নদীর নরম মৃদু দেখা যাবে—মুখে তার দেহে তার কত মৃদু রেখা
তোমারি মৃদুখের মতো : তবুও তোমার সাথে কোনোদিন হবে নাকো দেখা ।

(এই সব ভালো লাগে) : জানালার ফাঁক দিয়ে ভোরের সোনালি রোদ এসে
আমারে ঘুমোতে দেখে বিছানায়, — আমার কাতর চোখ,

আমার বিমর্ষ স্মান চুল —

এই নিয়ে খেলা করে : জানে সে যে বহুদিন আগে আমি করেছি কি ভুল
পৃথিবীর সব চেয়ে ক্ষমাহীন গাঢ় এক রূপসীর মুখ ভালোবেসে ;
পউষের শেষ রাতে আজো আমি দেখি চেয়ে আবার সে আমাদের দেশে
ফিরে এল ; রং তার কেমন তা জানে অই টস্টসে ভিজে জামরুল,
নরম জামের মতো চুল তার, ঘুমঘুম বদকের মতো অক্ষুট আঙুল ; —
পউষের শেষ রাতে নিমপেঁচাটির সাথে আসে সে যে ভেসে

কবেকার মৃত কাক : পৃথিবীর পথে আজ নাই সে তো আর ;
তবুও সে স্মান জানালার পাশে উড়ে আসে নীরব সোহাগে,
মলিন পাখনা তার খড়ের চালের হিম শিশিরে মাখায় ;
তখন এ পৃথিবীতে কোনো পাখি জেগে এসে বসে নি শাখায় ;
পৃথিবীও নাই আর ; — দাঁড়কাক একা একা সারারাত জাগে ;
টুক বা, হায়, আসে যায়, তারে যদি কোনোদিন না পাই আবার ।’

সন্ধ্যা হয় — চারিদিকে শান্ত নীরবতা ;
খড় মূখে নিয়ে এক শালিখ ষেতেছে উড়ে চুপে ;
গোরুর গাড়িটি যায় মেঠো পথ বেয়ে ধীরে ধীরে ;
আঙিনা ভরিয়া আছে সোনালি খড়ের ঘন স্তূপে ;

পৃথিবীর সব ঘৃষু ডাকিতেছে হিজলের বনে ;
পৃথিবীর সব রূপ লেগে আছে ঘাসে ;
পৃথিবীর সব প্রেম আমাদের দু'-জনার মনে ;
আকাশ ছড়িয়ে আছে শান্তি হয়ে আকাশে আকাশে ।

একদিন কুয়াশায় এই মাঠে আমারে পাবে না কেউ খুঁজে আর, জার্নি;
হৃদয়ের পথ-চলা শেষ হল সেই দিন — গিয়েছে সে শান্ত হিম ঘরে,
অথবা সান্ধ্বনা পেতে দেরি হবে কিছ্ কাল — পৃথিবীর এই মাঠখানি
ভুলিতে বিলম্ব হবে কিছ্ দিন; এ মাঠের কয়েকটা শালিখের তরে

আশ্চর্য বিস্ময়ে আমি চেয়ে র'ব কিছ্ কাল অন্ধকার বিছানার কোলে,
আর সে সোনালি চিল ডানা মেলে দূর থেকে আজো কি মাঠের কুয়াশায়
ভেসে আসে? সেই ন্যাড়া অশ্বখের পানে আজো চ'লে যায়

সন্ধ্যা সোনার মতো হলে?

ধানের নরম শিবে মেঠো ই'দুরের চোখ নক্ষত্রের দিকে আজো চায়

সন্ধ্যা হলে? মউমাছি চাক আজো বাঁধে না কি জামের নিবিড় ঘন ডালে,
মউ খাওয়া হয়ে গেলে আজো তারা উড়ে যায় কুয়াশায় সন্ধ্যার বাতাসে —
কত দূরে যায়, আহা, ... অথবা হয়তো কেউ চালতার ঝরাপাতা জ্বালে
মধুর চাকের নিচে — মাছিগুলো উড়ে যায় ... ঝ'রে পড়ে ... ম'রে

থাকে ঘাসে —

ভেবে ভেবে ব্যথা পাব; — মনে হবে, পৃথিবীর পথে যদি থাকিতাম বেঁচে
দেখিতাম সেই লক্ষ্মীপেঁচাটির মূখ যারে কোনোদিন ভালো করে

দেখি নাই আমি —

এমনি লাজুক পাখি, — ধূসর ডানা কি তার কুয়াশার টেউয়ে ওঠে নেচে;
যখন সাতটি তারা ফুটে ওঠে অন্ধকারে গাবের নিবিড় বৃকে আসে

সে কি আমি?

জিউলির বাবলার আঁধার গন্ধির ফাঁকে জোনাকির কুহকের আলো
ঝরে না কি? ঝাঁঝের সবুজ মাংসে ছোট ছোট ছেলেমেয়ে বউদের প্রাণ
ভুলে যায়; অন্ধকারে খুঁজে তারে আকন্দবনের ভিড়ে কোথায় হারালো
মাকাল লতার তলে শিশিরের নীল জলে কেউ তার পাবে না সন্ধান।

আর সেই সোনালি চিলের ডানা — ডানা তার আজো কি মাঠের কুয়াশায়
ভেসে আসে? — সেই ন্যাড়া অশ্বখের পানে আজো চলে যায়

সন্ধ্যা সোনার মতো হলে?

ধানের নরম শিবে মেঠো ইন্দুরের চোখ নক্ষত্রের দিকে আজো চায়?
আশ্চর্য বিস্ময়ে আমি চেয়ে র'ব কিছু কাল অন্ধকার বিছানার কোলে।

প্রথম পংক্তির স্মৃতি

তোমরা যেখানে সাথ চ'লে যাও — আমি এই বাংলার পারে	১১
✓ বাংলার ম'খ আমি দেখিগাছি, তাই আমি পৃথিবীর রূপ	১২
যত দিন বে'চে আছি আকাশ চলিয়া গেছে কোথায় আকাশে	১৩
এক দিন জলসিঁড়ি নদীটির পারে এই বাংলার মাঠে	১৪
✓ আকাশে সাতটি তারা যখন উঠেছে ফ'টে আমি এই ঘাসে	১৫
কোথাও দেখি নি, আহা, এমন বিজ্ঞান ঘাস — প্রান্তরের পারে	১৬
হায় পাখি, একদিন কালীদহে ছিলে না কি — দহের বাতাসে	১৭
জীবন অথবা মৃত্যু চোখে র'বে — আর এই বাংলার ঘাস	১৮
যেদিন সরিয়া যাব তোমাদের কাছ থেকে — দূর কুয়াশায়	১৯
পৃথিবী রয়েছে ব্যস্ত কোনখানে সফলতা শক্তির ভিতর,	২০
ঘুমিয়ে পড়িব আমি একদিন তোমাদের নক্ষত্রের রাতে	২১
ঘুমিয়ে পড়িব আমি একদিন তোমাদের নক্ষত্রের রাতে;	২২
যখন মৃত্যুর ঘূমে শূয়ে র'ব — অন্ধকারে নক্ষত্রের নিচে	২৩
✓ আবার আসিব ফিরে ধানসিঁড়িটির তীরে — এই বাংলায়	২৪
যদি আমি ঝ'রে যাই একদিন কাঠি'কের নীল কুয়াশায়:	২৫
মনে হয় একদিন আকাশের শুকতারা দেখিব না আর	২৬
ঐ শালিখ মরে যায় কুয়াশায় — সে তো আর ফিরে নাহি আসে:	২৭
কোথাও চলিয়া যাব একদিন; — তারপর রাগির আকাশ	২৮
তোমার বৃকের থেকে একদিন চ'লে যাবে তোমার সন্তান	২৯
✓ গোলপাতা ছাউনির বৃক চূমে নীল ধোঁয়া সকালে সন্ধ্যায়	৩০

অশ্বখে সন্ধ্যার হাওয়া যখন লেগেছে নীল বাংলার বনে	৩১
ভিজ্জে হলে আসে মেঘে এ-দুপদর — চিল একা নদীটির পাশে	৩২
খুঁজে তারে মর মিছে — পাড়াগার পথে তারে পাবে নাকো আর;	৩৩
পাড়াগার দূ'-পহর' ভালোবাসি — রোদ্দে যেন গন্ধ লেগে আছে	৩৪
কখন সোনার রোদ নিভে গেছে — অবিরল শূ'পদরির সারি	৩৫
এই পৃথিবীতে এক স্থান আছে — সব চেয়ে সুন্দর করুণ:	৩৬
কত ভোরে — দূ'-পহরে — সন্ধ্যায় দেখি নীল শূ'পদরির বন	৩৭
এই ডাঙা ছেড়ে হয় রূপ কে খুঁজিতে যায় পৃথিবীর পথে।	৩৮
এখানে আকাশ নীল — নীলাভ আকাশ জুড়ে সজ্জনার ফুল	৩৯
কোথাও মঠের কাছে — যেইখানে ডাঙা মঠ নীল হয়ে আছে	৪০
চ'লে যাব শূ'কনো পাতা-ছাওয়া ঘাসে — জামরুল হিজলের বনে;	৪১
এখানে ঘুঘুর ডাকে অপরাহ্নে শান্তি আসে মানুষের মনে;	৪২
শ্মশানের দেশে তুমি আসিয়াছ — বহুকাল গেয়ে গেছ গান	৪৩
তবু তাহা ভুল জানি . রাজবল্লভের কীর্তি' ভাঙে কীর্তিনাশা;	৪৪
সোনার খাঁচার বৃকে রহিব না আমি আর শূ'কের মতন;	৪৫
কত দিন সন্ধ্যার অন্ধকারে মিলিয়াছি আমরা দু'জনে;	৪৬
এ-সব কবিতা আমি যখন লিখেছি ব'সে নিজ মনে একা;	৪৭
কত দিন তুমি আর আমি এসে এইখানে বসিয়াছি ঘরের ভিতর	৪৮
এখানে প্রাণের স্রোত আসে যায় — সন্ধ্যায় ঘুমায় নীরবে	৪৯
একদিন যদি আমি কোনো দূ'র মান্দ্রাজেব সমুদ্রের জলে	৫০
দূ'র পৃথিবীর গন্ধে ভ'রে ওঠে আমার এ বাঙালীর মন	৫১
অশ্বখ বটের পথে অনেক হইছি আমি তোমাদের সাথী;	৫২
ঘাসের বৃকের থেকে কবে আমি পেয়েছি যে আমার শরীর —	৫৩

এই জল ভালো লাগে;—বৃষ্টির রূপালি জল কত দিন এসে	৫৪
একদিন পৃথিবীর পথে আমি ফলিয়াছি; আমার শরীর	৫৫
পৃথিবীর পথে আমি বহুদিন বাস করে হৃদয়ের নরম কাতর	৫৬
মানুষের ব্যথা আমি পেয়ে গেছি পৃথিবীর পথে এসে—হাঁসির আশ্বাদ	৫৭
তুমি কেন বহু দূরে—ঢের দূরে—আরো দূরে—নক্ষত্রের অস্পষ্ট আকাশ,	৫৮
আমাদের রূঢ় কথা শুনে তুমি সংরে যাও আরো দূরে বৃষ্টি নীলাকাশ;	৫৯
এই পৃথিবীতে আমি অবসর নিয়ে শুধু আসিয়াছি—আমি হুস্ট কবি	৬০
বাতাসে ধানের শব্দ শুনিয়াছি—ঝরিতেছে ধীরে ধীরে অপরাহ্ন ভরে;	৬১
একদিন এই দেহ ঘাস থেকে ধানের আশ্রয় থেকে এই বাংলার	৬২
আজ্জ তারা কই সব? ওখানে হিজল গাছ ছিল এক—পুকুরের জলে	৬৩
হৃদয়ে প্রেমের দিন কখন যে শেষ হয়—চিঁতা শুধু পড়ে থাকে তার,	৬৪
কোনোদিন দেখিব না তারে আমি; হেমন্তে পার্কবে ধান, আষাঢ়ের রাতে	৬৫
ঘাসের ভিতরে যেই চড়ায়ের শাদা ডিম ভেঙে আছে—আমি ভালোবাসি	৬৬
(এই সব ভালো লাগে) : জানালার ফাঁক দিয়ে ভোরের সোনালি রোদ এসে	৬৭
সন্ধ্যা হয়—চারিদিকে শান্ত নীরবতা;	৬৮
একদিন কুয়াশার এই মাঠে আমরা পাবে না কেউ খুঁজে আর, জানি;	৬৯



জীবনানন্দ দাশ প্রসীদ

ধূসর পাশুর্ভূজিপি। বিশ বছর আগে এই গ্রন্থের প্রথম সংস্করণের ভূমিকায় জীবনানন্দ লিখেছিলেন— সেই সময়ের অনেক অপ্ৰকাশিত কবিতাও আমার কাছে রয়েছে, যদিও ধূসর পাশুর্ভূজিপির অনেক কবিতার চেয়েই তাদের দাবি একটুও কম নয়, তবুও সম্প্রতি আমার কাছে তারা ধূসরতর হয়ে বেঁচে রইল।' নতুন সিগনেট সংস্করণে সেই সব ধূসরতর কবিতার সদ্যোজাত অথচ চিরস্তন অপূর্বতা পাঠককে মদ্রু করবে। অবসরের গান, পাখিরা, শকুন, ক্যাম্প, মৃত্যুর আগে প্রভৃতি কবিতা এই গ্রন্থেরই অন্তর্গত। দাম ৩,

বনলভাসেন। রবীন্দ্রোস্তর যুগের অসামান্য কবি জীবনানন্দ দাশ যদি কোনো একটি মাত্র গ্রন্থে তাঁর সার্থকতম পরিচয় রেখে গিয়ে থাকেন সে-গ্রন্থ বনলভাসেন। তাঁর কাব্যের প্রধান গুণ, রবীন্দ্রনাথের ভাষায়, চিত্ররূপময়। 'প্রসন্ন বেদনায় কোমল উজ্জ্বল বড়োই নতুন এবং নিঃস্বব তাঁর লেখা : বাংলা কাব্যের কোথাও তার তুলনা পাই না।' এই বলে শ্রদ্ধা জানিয়েছেন অমিয় চক্রবর্তী। একক ভাবে শ্রেষ্ঠ এই গ্রন্থের তৃতীয় সংস্করণ প্রকাশিত হয়েছে। দাম ২,

কবিতার কথা। 'সকলেই কবি নয়। কেউ-কেউ কবি।' এবং তাঁদের মধ্যে জীবনানন্দের আসন প্রথম সারিতে। কবিতা ছাড়া, কবিতা বিষয়েই কতিপয় মূল্যবান প্রবন্ধও তিনি লিখেছিলেন। এই সব প্রবন্ধের মধ্যে কাব্য বিষয়ে তাঁর জ্ঞান, বোধ, অভিনিবেশ এবং অসুন্দর্ভিত্তির পরিচয়, তাঁর কাব্যের মতোই একান্ত নিঃস্বব ভাষায় বিধৃত হয়ে আছে। গ্রন্থাকারে প্রথম প্রকাশিত এই সব আলোচনার প্রতি কাব্যের— বিশেষত আধুনিক কাব্যের পাঠকমাত্রই ঋণী বোধ করবেন। দাম ২.৫০ টাকা

সিগনেট প্রেসের বই

